


MITUNA MPE BIYANO

NA NTINA NA MOLIMO MOSANTO

 Mpe nsima na mpokwa ya lobi, biso nyonso tosili kotondisama. Nasili kozua maloba malamú lelo ya bato mingi oyo basili kozua Molimo Mosanto. Mpe tozali na esengo mpo na yango.

² Esengo ya kozala na Ndeko Graham elongo ná biso na mpokwa oyo, moko na basáli na biso awa na tabernacle, mobateli ya losambo ya bosantu na Utica. Mpe Ndeko Jackson, azalaki awa, lobi na mpokwa, nakanisi, to azali awa na eyanganelo, esika moko boye sikoyo, moto moko alobaki, na . . . Iyo, namoni Ndeko Jackson kuna, na kati ya eyanganelo sikawa. Mpe—mpe Ndeko Ruddell, azali awa na mpokwa oyo? Ye mpe azali moko na basáli elongo na biso awa na nzela “62.” Tozali na esengo ya kozala na bango awa. Mpe ná ya biso . . . Oh, Ndeko Pat, na bandeko mosusu nyonso oyo, tozali—mpe kati na eyanganelo. Tozali na esengo ya kozala na bino nyonso awa, na mpokwa oyo.

³ Sikawa, soki nalingaki kolóngisa likambo yango, nakomatisa batei mosusu ya malamú awa mpo bálوبا na bino, mpo mongongo na ngai ebebi kaka mpo na ntango malamú oyo nalekisaki lobi na mpokwa.

⁴ Sikawa, mwasi na ngai, ye moto asembolaka ngai; boyebi, bandeko, eloko nini nazoloba. Alobaki ete bato kuna na nsima lobi na mpokwa, bakokaki koyoka ngai te, mpo nazalaki koloba na kati ya eloko oyo. Sikawa, liboso nábanda, nakomeka eloko moko. Sikawa, nazomituna soki ekómi malamú. Ekómi malamú, kuna na nsuka mpenza? To oyo nde ezali malamú koleka? Oyo nde ezali malamú koleka? Sikoyo, Cherie, wana ezali mbala moko oyo nalóngi ye. Sikoyo, balobi ekomi malamú koleka. Malamú. Oh, la la! Azali mwasi mpenza. Wana ezali malamú mpenza, mpo eleki ntango molai uta nalóngá ye. Na momesano, ye nde alóngaka.

⁵ Malamú, na ntembe te, tolekisaki ntango malamú mpenza na mayangani ya mpokwa misato wana; ngai nasalaki yango. Sikawa, ba-bánde, nyonso, longola kaka lobi na mpokwa . . . Nabengaki Ndeko Goad mpe nalobaki na ye ete áya kosála bande mpo na tabernacle. Kasi esalemaki ete, soki nasosolaki malamú, ete Billy Paul azuaki motuka na ye mpe akendeki, boye bände esalemaki te, na boyebi na ngai. Boye, tozangaki oyo wana. Nalingaki kobatela yango na losambo, mpo na losambo, mpo—moto moko alobaka—oyo biso tondimaka.

⁶ Sikawa, na mpokwa oyo, nakoteya likoló na *Likita Monene*, soki nakoki kosilisa mituna na ntango malamumu. Na bongo, lobi na ntongo, ezali losambo ya kobondela mpo na babeli. Tokobondela mpo na babeli. Yango wana, tokoki te kokabola—to kokende kaka mpe koloba: “Sikoyo, nakozua yo, mpe yo, ná yo.” Wana ekozala malamumu te. Kasi tokabolaka liboké ya bakálati, mpe na esika moko boye elongo ná bakálati yango, nabéngaka bato moke awa na etumbelo. Na nsima, soki Molimo Mosanto abandi komonisa makambo, bongo Ekendeke kati na eyanganelo mobimba mpo na kobenga bato na kati na eyanganelo mpo na kobondela mpo na babeli. Na nsima, lobi na ntongo, nakoloba soki Nkolo alingi, liboso ya kobondela mpo na babeli.

⁷ Namoni mwasi na ngai azoseka. Cherie, ozoyoka ngai ata moke te? Oh, ozoyoka ngai. Boye, ezali malamumu. Afandi na nsima mpenza, mpe soki ezali—azoyoka ngai te, aningisi motó: “Yo. . . Nazoyoka yo te, nazoyoka yo te.”

⁸ Boye, bongo lobi—lobi na mpokwa, ekozala losambo ya kopalanganisa Nsango-malamumu mpe mosala ya libatizi na mai. Na nsima, kaka ntango nakosilisa koteya, lobi na mpokwa, tokofungola bizipelo mpe tokozala na libatizi na mai awa, lobi na mpokwa. Soki Nkolo alingi, soki Nkolo alingi, na ntongo nalingi—to lobi na mpokwa, nalingi koloba likoló na mokonza: *E—Elembo Moko Epesamaki*. Na nsima, soki tozali awa mokolo ya Misato na mpokwa, soki Nkolo apesi ngai nzela ya kozala awa mokolo ya Misato na mpokwa, nalingi koteya likoló na: *Tomoni Monzoto Na Ye Na Ébimelo Na Ntango Mpe Toyei Kokumbamela Ye*. Sikawa, wana ezali kaka liboso na mpokwa ya Noéle.

⁹ Na nsima, mbala moko nsima na Noéle, ekozala mpóso ya lói ya Noéle. Na ntango wana nde tozuaka mikanda nyonso. . . Ndeko Mercier ná bango na momesano babimisaka yango nyonso. Mpe totandaka yango nyonso, mpe tobondelaka likoló na mikanda oyo, mpe tosengaka ete Nkolo ákamba biso na mokili mobimba, na bisika oyo tokozala kokende.

¹⁰ Sikawa, bazali, Bato na Mombongo ya Baklisto, bazali na molongo monene, ekozala na Florida kala mingi te, mpo na likita na bango. Kolongwa wana kino na Kingston, na nsima na Haíti, mpe na Porto Rico, na Amérika ya Sudi, kozongela na Mexico.

¹¹ Kasi emonani lokola Nkolo azali kokamba ngai ete nákende na Norvège. Nayebi te mpo na nini. Boyebi buku moke oyo ebengami *Moto Oyo Atindami Na Nzambe?* Ezali buku ya basambeli ya motuya koleka na Norvege. Bókanisa yango, makambo oyo Nkolo asalaki kuna. Mpe ntango nazalaki kuna, balingaki te nátiela babeli maboko. Nazalaki kuna mpo na mpokwa misato. Mpe balingaki te ete nátiela babeli maboko. Boye, bomoni oyo Nzambe akoki kosala. Bato bazalaki mingi mpenza kino basengelaki kozua polisi oyo basalelaka bampunda, mpo na kolongola bato ba balabala mpo nákoka

kokóma na esika yango. Mpe natielaki babeli maboko te. Nabondelaki nde mpo na bango ata bongo; natikaki ete bátiélana maboko bamoko na bamosusu.

¹² Bongo... [Moto moko asololi na Ndeko Branham—Mok.] Iyo, boye, nakosala yango mpenza. Sikawa, lobi na ntongo... Sikawa, na mpokwa oyo, ntango mosusu tokolobela kaka na mituna oyo, mpo tozali na mwa mituna ya malamau mpenza. Mpe nayebi te ntango boni Nkolo akopesa biso na ntina na yango. Na bongo, lobi na ntongo, to Billy Paul, Gene, to Leo, moko akozala awa mpo na kokabola bakálati ya mabondeli na ngonga ya mwambe kino na ngonga ya mwambe na ndambo. Sikawa, baoyo ya libandá-na-engumba, tika názungela yango mpo bóbosana te. Soki olingi kokóta na molongo yango, tokosepela ézala bato ya libanda-na-engumba, soki ekokoka.

¹³ Sikawa, mbala mosusu awa na losambo, tokómaka na esika oyo balobaka: “Boye...” Tozuaka bato ya libanda-na-engumba, tomemaka bango... Moto moko akoloba: “Ee, nayebaki te eloko nini ezalaki malamau te ná bango. Bakokaki koloba eloko moko ya elongobani te.” Bongo okokutana na bato ya engumba; bakoloba: “Oh, ekokaki kozala ete oyebaki bango.” Boye... Na nsima, balobaka—elobamaki: “Malamau, nakoyebisa bino ete ezali bakálati ya mabondeli.” Malamau, bongo mpo na baoyo bazalaka na bakálati ya mabondeli te? Mpe ezalaka mokolo nsima na mokolo ntango ezali...

Olobi? [Ndeko Branham asengami átelema nsima na micro—Mok.] Nátelema nsima na micro? Malamau, boyebi, nateyaka ntango nyonso katikati ya nzela. Boye ntango mosusu nakosala kaka bongo. Wana eleki malamau? Eleki malamau. Malamau. Nakoyebisa bino ezali nini. Bisalelo na biso ya koloba—koloba na bato nyonso ezali mabe mpenza awa, mabe mpenza. Mpe tozali koluka kobongisa yango te sikoyo, mpo tolingi ete tabernacle ya sika étungama mbala moko. Na bongo ntango tokozala na bisika ebele ya kofanda (bomoni?), soki tokoki kozua pembeni awa mpe koyeisa esika oyo mwa monene koleka, mpe kobakisa bisika ebele, mpe kobeleva mpo na mayangani ntango tokozala na yango awa.

¹⁴ Sikawa, bóbosana te, na ntongo, bilengé, moko to misato na bango, bakokabola ba-kálati kobanda na ngonga ya mwambe na ndambo, to, ngonga ya mwambe kino ngonga ya mwambe na ndambo. Yango ekopesa moto moto nyonso libaku ya kozua esika. Mpe nazalaki kolobela ndenge bakabolaka ba-kálati, ntina oyo tosalaka yango. Ezali mpo na kobatela molongo. Bomoni? Sikawa, bongo soki nakoti awa, lokola sikoyo, mpe nalobi: “Tika ete mwasi *oyo*, mwasi *oyo*, ná mobali *wana*, ná mwasi *oyo*...?” Bomoni, wana ekozala mwa—wana ekozala mwa mpasi. Bomoni? Na bongo, soki bo... Mbala mingi, nasalá likambo oyo. Mpe soki bazali mpenza mingi te na ntongo, nakoki

kosala ndenge moko. Nakoloba: “Bato boni bazali awa, oyo bauti libanda na engumba, baoyo bazali na mikakatano? Bótelema.”

¹⁵ Ndeko Mercier, okoya kosalisa ngai. Okosunga ngai? [Ndeko Mercier alobi: “Nakoya na lisungi na ngai.”—Mok.] Oh, okoya. . . Akoya komisalisa ye moko. Nasololaki ná moninga na yo ya mwasi lelo. Sikawa, ebongi ózala mpenza malamumu ná ngai. Omoni? Malamumu. Ezali malamumu. Na—nasepelaka na mpiko wana, Ndeko Leo. Soki makambo etamboli malamumu te, tó—tóbongisa yango malamumu ndenge tokoki koyeba mpenza, ná makoki na biso nyonso.

¹⁶ Boye, sikawa na nsima, kosenga ete bato ya libanda-na-engumba bátombola maboko, baoyo bazali na likambo moko ya malamumu te ná bango. Na nsima, kotelema wana, kotala likambo ya moto moko kino Molimo Mosanto akobanda kosala, mpe kozua losambo mobimba. Bato boni bazalaki awa, ntango bamonaki yango kosalema awa? Ya solo! Bomoni, bomoni? Boye, lolenge oyo ekosalema, ezali na ntina moko te. Ezali kaka. . .

¹⁷ Nalingi ete bómikanisela likambo oyo, mpe nakomeka kozongela yango lisusu na ntongo. Bato ya Mabota, Nsango-malamumu oyo epesameli bango ezali Nsango-malamumu ya kondima, ya misala ata moke te. Bomoni? Lokola nalobaki lobi na mpokwa. Ntango Molimo Mosanto ekitaki na Pantekote, ntango bakendeke epai ya Bayuda (Misala 19:5), basengelaki kotielala bango maboko mpo bázuwa Yango. Mpe ntango bakendeke epai ya Basamalia, basengelaki kotielala bango maboko. Kasi ntango bayaki epai na Mabota, na ndako ya Koloneli: “Wana ezalaki Petelo koloba maloba oyo. . .” Ezali kotielala maboko te.

¹⁸ Ntango mwana-mwasi ya moke akufaki, mwana ya Yailo, nganganzambe, alobaki: “Yaka kotielala ye maboko, mpe akobika.” Kasi kapitène ya Baroma, moto na Mabota, alobaki: “Nabongi te ete Ókota na ndako na ngai, loba liloba.” Yango mpenza. Bomoni?

¹⁹ Mwasi yango Mofenisia-ya-Siri, moi-Greki mpenza, nde oyo ye azalaki, ntango ye mwasi—ntango Yesu alobaki na ye: alobaki: “Ezali malamumu te mpo na Ngai kozua lipa ya bana mpe kopesa yango na ba-mbwa.”

Alobaki: “Ya solo, Nkolo; kasi ba-mbwa, na nsé ya mesa, baliaka púmbulu ya mápa ya bana.”

Alobaki: “Mpo na maloba oyo, molimo mabe etiki mwana na yo ya mwasi.” Boye bólobaka makambo ya malamumu. Bólobaka likambo ya malamumu na ntina na moto moko. Bósololaka na ntina na Yesu. Bólobaka likambo ya sembo, likambo ya solosolo. Wana nde lolenge ya kobengana milimo mabe. Alobaki ata moke te—Abondelaki ata moke te mpo na mwana yango. Atikálala koloba eloko moko te na ntina na kobikisama na ye; Alobaki kaka: “Mpo na maloba oyo, mpo na maloba oyo. . .”

²⁰ Hattie Wright, mokolo mosusu wana, asengaki eloko moko te. Afandaki kaka wana, kasi alobaki likambo oyo esengeli, oyo esepelisaki Molimo Mosanto. Mpe Molimo Mosanto ayanolaki mpe alobaki: “Hattie, sénga eloko nyonso oyo olingi, oyo nyonso ozali na yango mpe olingi. Okomona soki likambo oyo ezali sólo to te. Sénga eloko nyonso (kobikisama ya leki na ye ya mwasi, ya ebosono, oyo afandaki wana, mokakatali mpenza; ba-dollar nkoto zomi mpo ábalolaka lisusu mabelé ya bangomba wana te, kuna; bolenge ézonga na mwa nzoto na ye oyo elembi); oyo nyonso olingi kosenga, yo sénga yango sika-sikoyo. Soki Eyei te mpo na kopesa yo yango sika-sikoyo, boye nazali mosakoli ya lokuta.” Wana ezali—wana ezali, wana ezali likambo, boye te?

²¹ Yesu alobaki: “Lobá na ngomba oyo . . .” Mpe boyokaki oyo—na ntina ya makambo oyo esalemaki; yango nde lotomo oyo tozali kokóta kati na yango. Tokómi mosika mpenza na nzela yango sikoyo. Kala mingi te ezali nde Boyei ya Nkolo Yesu. Mpe tosengeli kozala na kondima ya Konétolama kati na Lingomba oyo ekoki kobongwana noki, na kobweta na liso mpo na kokende, to, tokokende te. Kasi bómitungisa te, ekosalema. Ekosalema. Mpe ntango nguya ya lingomba *oyo* ekofuluka, ekosekwise bandeko na yango; nguya ya lingomba *wana* ekofuluka, ekoyeisa bandeko na yango; nguya ya lingomba *wana* ekoyeisa bandeko mosusu; na nsima, lisekwa ya bato nyonso ekosalema. Mpe tozali kotalela yango.

²² Sikawa, bóbosana te, bakálati ya mabondeli na ntongo, na ngonga ya mwambe kino na ngonga ya mwambe na ndambo. Bongo natunaki bango bato boni bazalaki na kati, na bongo bátika kokabola bakálati, mpe bázonga, mpe báfanda (bomoni?), mpamba te bakosila kokabola yango, na ntango wana, ata bongo, to motángo nyonso oyo tokobenga kobanda na esika moko wana. Bandeko bakotelema, bakosangisa bakálati nyonso liboso na bino, na bongo soki ozali na mposa ya moko, ozali na mposa ya moko, to eloko mosusu ndenge wana bongo . . . Na bongo, ntango nakokóta, nako . . . Oyo nyonso Nkolo akoloba ete tóbanda kobenga . . . Mpe soki Alobi: “Kobenga ata moko te,” nakobenga ata moko na yango te (bomoni?), ézala soko nini.

²³ Mpe nazali . . . Lotomo wana ebandi kolimwa ata bongo; eloko moko ya monene koleka ezali koya. Bómikanisela, awa nde esika oyo mbala nyonso oyo elobamá, uta na etumbelo oyo to uta na eteyelo oyo, mpe etikálá naino kozánga kokokisama te. Boyebi lisusu lotomo wana, na ntina na loboko? Bomoni nini yango esalaki? Makanisi ya motema, bomoni nini yango esalaki? Sikoyo bótala oyo: lobá Liloba, mpe talá nini Ekosala. Bomoni? Nayebisaki bino awa, eleki mibu mingi—lingomba (nazosolola ná tabernacle oyo)—eleki mibu mingi, mbula misato to minei, eloko moko ebelemaki mpo na komonana; ebelemi mpo na kosalema. Mpe tala yango oyo sikawa, ebandi kotálisama na . . . Ebandi komizuela lolenge moko. Sikawa, tozali kozongisa

matondi mpo na yango. Oh, boni tozali kozóngisa matondi. Ezali mpenza esengo.

²⁴ Sikawa, tozali na mwa mituna ya makasi mpenza awa, mpe tolingi kokóta na yango mbala moko. Moto moko atalaki babuku nyonso oyo nazalaki na yango. Nalobaki: “Ee, moto ya mayele mingi asengeli bobele na moko.” Kasi nazali moto ya mayele mingi te. Nasengeli kozala na yango mingi, mpo na kotala-tala na kati. Boye, oyo ezali Diaglott, oyo ezali Biblia, mpe oyo ezali concordance. Boye, ezali . . . Tokosenga kaka na Nkolo ete ásungu biso mpe átambwisa biso, mpo tóyanola na mituna oyo kokokana mpenza na mokano na Ye ya Bonzambe mpe na Liloba na Ye.

²⁵ Boye, sikoyo, tógumba mitó mwa moke mpo na libondeli. Nkolo, tozongisi matondi epai na Yo, longwa na bozindo mpenza ya motema na biso, mpo na oyo Osali mpo na biso na babutu misato ya nsuka oyo. Oh, komona batei kokutana kuna nsima na biro, kopesana mbote ya loboko, ná kondima ezongi ya sika, mpe—mpe kokamata litambe ya sika. Kobengana na téléphone . . . Mitema na biso kosepela, mpe bato bazali kozua Molimo Mosanto nsima na bango kozala—komona Liloba na Yo, ndenge Elobi polele mpenza, litambe moko na moko, lolenge ya kozua Molimo Mosanto na Yo. Tozongisi matondi mingi mpo na yango, Nkolo.

²⁶ Okómisaka makambo petee mingi mpo na biso, mpamba te tozali bato ya petee. Mpe tobondeli, Nzambe, ete—ete Ósala ete tómikómisa ntango nyonso petee na mobimba mpenza. Mpamba te ezali . . . Ezali nde lolenge wana oyo amikitisaka nde akotombolama. Bwanya ya mokili ezali boléma mpo na Nzambe; esepelisaki Nzambe ete na nzela na boléma ya liteya, ábikisa baoyo babungaki.

²⁷ Mpe sikawa, Tata, nazali awa elongo ná ngai mituna ebele oyo etunami longwa na mitema ya sembo oyo etungisami. Mpe soko moko na yango eyanolami mabe, ekoki kotinda moto na nzela ya mabe, mpo na kobwaka polé ya malamumu te na motuna oyo ezali kotungisa bango. Boye Nkolo Nzambe, nabondeli ete Molimo Mosanto na Yo ákita likoló na biso mpe ámonisa makambo oyo, mpo ekomami kati na Makomi: “Sénga mpe okozua; luká mpe okokuta; béta mpe ekofungwamela yo.” Mpe yango nde oyo tozali kosala sikoyo, Nkolo, kobetáká na ekuke na Yo ya mawa. Etelemi biso na elilingi ya boyengebene ya Bonzambe na Yo, tobondeli mpo na Makila na Klisto ya Nzambe mpe mpo na Molimo Mosanto.

²⁸ Mpe na mpokwa oyo, toyeyi kaka te mpo tosilisi na mpokwa misato wana ya mateya likoló na Molimo Mosanto, toyeyi ná bozindó koleka ya limemia mpe bosembo. Toyeyi lokola soki mpokwa oyo ezalaki mpokwa ya nsuka oyo tokokaki kozala na mokili. Toyeyi na kondimáká ete Okoyanola mabondeli na biso. Mpe Nkolo, tosenge Yo sikoyo ete ókokisa mposa na biso ná

Bomoi na Yo ya Seko. Mpe na koyanoláká na Liloba na Yo, tika ete Molimo Mosanto, E Nzambe, wana tomoni ete ezali Yo moko katikati na biso, tobondeli ete Ye ámonisa biso, na mpokwa oyo, makambo oyo tozali na mposa na yango. Mpe tozalaki na mposa bobele ete milimo na biso ézua kopema, mpe makanisi na biso ézala na kimia, mpe kozala na kondima na Nzambe mpo na kokende liboso mpe kosenga mapamboli oyo Ye alakáki. Tosengi oyo na Nkombo na Yesu. Amen.

²⁹ Sikawa, nazali na mituna nyonso oyo epesamelaki ngai, longola kaka moko. Mpe nayanolaki na elenge Ndeko Martin, oyo atunaki ngai motuna moko, na mpokwa nsima ya lobi eleki, kaka moko. Ezalaki na mingi awa lobi na mpokwa, kasi ezalaki babosenga ya mabondeli. Mpe Ndeko Martin atunaki ngai motuna na ntina na Yoane 3:16—to Yoane 3, Nandimi, na ntina na: “Soko moto abotami na mai mpe na Molimo te, akoki komona Bokonzi te,” mpe nakokanisaki yango na bande oyo nabimisaki na ntina na Baebele. Nakutanaki na ye na biro awa na nsima, lobi na mpokwa, mpe—liboso názua libaku ya koyanola ye, na bongo nasalaki yango wana, na ntina na likambo yango.

³⁰ Sikawa, ezali na bato awa, baoyo bazalaki awa te lobi na mpokwa? Bótombola maboko, baoyo bazalaki awa te lobi na mpokwa. Oh, biso, solo elingaki kozala malamú soki bozalaki elongo ná biso. Tolekisaki ntango moko ya nkembo mpenza. Molimo Mosanto. . .

³¹ Nakoki ntango mosusu, kaka mpo na miníti moko. . . Ekosala likambo te. Ezotiana na bande. Mpe soki esalemi ete motei moko—to moto moko aboyi kondima likambo oyo nalingi koloba sikoyo, to ata na mituna, nasengi, ndeko, ete ókanisa te ete ezali ndéngé, kasi ete—bóbosana te ete bande oyo ezali kosalema na tabernacle na biso awa. Tozali kolakisa na bato na biso. Batei mingi ya kondima ndenge na ndenge bafandi zingazinga. Mpe nakolinga kokende lisusu na likambo yango, mpo ezali na ndambo ya bato na biso oyo bakokaki kokota te, lobi na mpokwa, oyo namoni bazali na mpokwa oyo. Mpe nakolinga koloba ngonga moke kaka, soki bokopesa nzela yango, na ntina na oyo nalobaki lobi na mpokwa; mpe yango ezalaki na ntina na Pantekote, na ntina na kozua Molimo Mosanto.

Sikawa, kotánga longwá na *Diaglott Emphatique* ya ndimbola ya Greki, esika nazalaki lobi na mpokwa, ezali polele liboso na ngai sikoyo. Ezali ndimbola ya ebandeli longwa na Greki kino na Anglais. Eleki na nzela na balimboli mosusu te, ezali—mpe ba-ndimbola mosusu, elimbolami mbala moko longwa na Greki kino na Anglais. Sikawa, maloba na Anglais, mbala mingi, elimbolamka na lolenge mingi, ndakisa, soki sikoyo nalobi *board*. Bózua liloba oyo *board*. Bokoki koloba: “Ée, alingaki koloba ete tozalaki *kotungisa* ye.” Te! “Oh, a—afutaki *tiké* na ye.” Te! Boye, a. . . “Ezali *libaya* na mopanzi ya ndako.”

Malamu, bomoni? To ata nini na yango... Ezali na maloba minei to mitano ekeseni oyo ekoki kosalemelama; osengeli kozua lisakola yango. Liloba oyo *see*. *See* elingi koloba “kosósola,” na Anglais. *Sea* elingi koloba “etando ya mai.” *See* elingi koloba “kotála.” Bomoni? Kasi na ba-ndimbola oyo, liloba oyo nalobaki lobi na mpokwa, oyo basalelaki na Misala mokapo ya 2, esika elobi: “Ndémo ya móto efandi likoló na bango...” Sikoyo, nakolinga kozonga nsima kaka mwa ngonga moke. Bokolinga kozongela yango mwa moke, mpo na mwa ngonga moke, yambo ete tókende mosika?

³² Sikawa, bózua na King James na bino to na ndimbola nyonso oyo bozali kotángela... Mpe nalingi kotánganga yango. Mpe bóyoka mpenza na bokebi sikoyo. Bósosola mabe te. Bato mingi lelo, ata ndeko na ngai ya mwasi, mingi kati na bango babengaki, balobaki... Mme. Morgan... Mingi kati na bango bazalaki awa lobi na mpokwa. Mme. Morgan azali moko na bandeko na biso ya basi, oyo basundolaki ye; azalaki na molongo ya bato bakúfá, na Louisville, eleki mibu zomi na motoba to zomi na nsambo, na cancer. Nakanisi afandi na nsima awa na mpokwa oyo. Akokaki koyoka te, alobaki, mpo nazalaki koloba mbala moko na kati ya micro. Mpe mpo na bango, nalingi kozongela likambo oyo mpo na mwa ngonga.

³³ Sikawa, nazali kotánganga Likomi oyo ya Misala 2:

...wana mokolo ya Pantekote esilaki koya, bango nyonso bazalaki na likanisi moko... (Sikayo, nasepelaka na wana mingi koleka boyokani moko: mpo bokoki kozala na boyokani moko na makambo nyonso, kasi awa, makanisi na bango ezalaki ndenge moko)... na likanisi moko mpe na esika moko.

Mpe na mbala moko, lokito moko ebimaki na likoló, lokola na kopepa na mopepe makasi, mpe etondisaki... ndako mobimba esika bafandaki. (Bafukamaki te, bazalaki kobondela te, kasi bafandaki)...

...Ndemo ekabwáná... (N-d-e-m-o—ndemo. “Ekabwáná” elingi koloba “biteni-biteni.”)... Ndemo... emonanaki epai na bango... lokola... móto, mpe moko... (“Moko,” na booko)... efandaki likoló na moko na moko na bango.

Mpe bango nyonso batondaki... (“Mpe,” likangisi)... bango nyonso batondaki na Molimo Mosanto, mpe babandaki kosolola na nkota mosusu, pelamoko Molimo apesaki bango maloba.

Sikoyo, Bayuda bazalaki wana na Yelusaleme, mibali na kosambelaka mpenza, bauti na bikolo nyonso na nsé na mói.

...ntango oyo... mpe nsango yango epanzanaki, ebele na bato bayanganaki, mpe bakamwaki, mpo...

moto na moto azalaki koyoka . . . ye koloba na lokóta na ye moko mpenza.

³⁴ Sikawa bótala! Ntango móto eyaki, ezalaki ndemo; ntango bazalaki koloba, ezalaki lokóta. Sikawa, bokeseni ezali monene katikati na ndémo ná nkóta. Mpo na biso, ezali nyonso ndenge moko. Kasi, na Greki, “ndemo” elingi koloba *oyo*. [Ndeko Branham atalisi—Mok.] Litoi ezali *oyo*. Bomoni? Yango elingi koloba lokóta te; elingi koloba eteni ya nzoto na yo, oyo ezali lolémo. Soko botali malamumu, elimbolami *ndémo ya móto*, oyo elingi koloba “lokola ndémo,” kaka lokola lotótó ya móto, lotótó molai ya móto. Sikawa, bótala malamumu nini balobeli mpenza. Mpe bisika moko moko wana, bóbosana yango te.

³⁵ Sikawa, tokolobela yango na ndenge ya mwa elilingi, na mpokwa oyo. Mpe nakotikela bino bókáta likambo yango. Sikawa, bómikanisela, soki eloko moko ekeseni, wana etali bino. Kasi nzela bobele moko, mpo moto nyonso ákoka mpenza kozua eloko moko kouta na Nzambe, ezali na nzela na kondima. Mpe liboso ókoka . . .

³⁶ Nasengeli koyeba eloko nini nazali kosala, liboso nákoka kozala na kondima na likambo oyo nazali kosala. Mpo na nini obalaki mwasi na yo? Ozalaki na kondima epai na ye. Omekaki ye, olandelaki ye, oyebacki epai autaki, nani azalaki. Ezali lolenge wana ná Makomi, ná Nzambe. Yango nde oyo esalaka bimononeli oyo, li—Likonzi na Móto oyo, makambo nyonso oyo, mpo Nzambe alakaki yango. Nzambe alobaki bongo. Nasilá komeka Ye na nzela na Liloba na Ye mpe nayebi ete Yango ezali Solo. Mpe bino, bólanda Liloba na Ye. Boye soki mwa mobulungano ezali esika moko, na bongo mbeba moko ezali esika moko. Mpamba te, Nzambe (bóyoka!)—Nzambe atikálá kosala te, to Akotikáláká kosala te libanda na Ye moko—to kokesana na mibeko na Ye moko. Eleko ya malili makasi ekoya na eleko ya mói makasi te, mpe eleko ya mói makasi ekoya na eleko ya malili makasi te. Nkasa ekokwea na ebandeli ya eleko ya mói te, mpo na kobima lisusu na ntango ya nkasá kokwea. Bokokoka kosala yango te.

³⁷ Lokola nalobaki lobi na mpokwa, na ntina na Liziba ya mai, komwangisa mai na milóná na yo. To, soki ozali awa, na katikati ya elanga, mpe ezali molili túú, mpe olobi: “Oh, lotilíki monene, nayebi ete ozalaka na kati ya elanga. Sikoyo, nabungi, nayebi te esika nini nazali kokende. Pesa pole, mpo nákoka komona esika ya kotambola! Lotilíki ezali na yango mingi mpo na kongengisa elanga mobimba.” Ya solo. Iyo, mesie! Lotilíki ezali na yango mingi na ndako oyo mpo na kongengisa yango kozanga ata miinda wana, kozanga wana. Kasi osengeli koyangela yango. Sikoyo, okoki kobebelela yango na lolenge ete okoki lisusu kobebelela te, ekongenga ata moke te. Kasi soki osali kokokana na mibeko ya lótilíki, bongo nde okozua polé.

³⁸ Ee, nde lolenge moko wana ezalaka ná Nzambe. Nzambe

azali Mokeli monene ya likoló mpe mabelé, motindo moko lobi, lelo, mpe libela. Azali bobele Nzambe. Kasi Akosala kaka ndenge ozali kolanda mibeko mpe malako na Ye. Baninga, nalobi boye: natikálá komona yango kokwea te, mpe ekokwea te.

³⁹ Sikawa, tótala malamamu. Yesu, na Luka 24:49, asilaki kotinda bantóma, nsima na bango kobikisama mpe kobulisama kokokana na Liloba; balongisamaki na kondimeláká Nkolo Yesu; babulisamaki na Yoane 17:17, ntango Yesu alobaki: “Bulisa bango, Tata, na nzela na Solo. Liloba na Yo ezali Solo.” Mpe Azalaki Liloba.

⁴⁰ Sikawa, apesaki bango bokonzi ya kobikisa babeli, kobengana milimo mabe, kosekwisa bakufi; mpe bazongaki na esengo. Mpe bankombo na bango ekomamaki na Buku ya Bomoï ya Mwana-mpate. Sikawa, bomikanisela ete toyekolaki yango. Kasi babongwanaki naino te. Yesu alobaki na Petelo, na butu oyo babakaki Ye na ekulusu, Alobaki: “Nsima na yo kobongwana, bongo lendisa bandeko na yo.”

⁴¹ Molimo Mosanto ezali oyo. . . Ozali kondima kino Bomoï na Seko, kasi ntango Molimo Mosanto eyei, Ezali Bomoï na Seko. Ozali kondima kino na. . . Obotami na Molimo na kobulisama, kasi ata moke te obotami na Molimo, kino Molimo Mosanto ékota. Ezali bongo. Bebé azalaka na bomoi na libumu ya mama na ye, mwa misuni ezali koningana; ezali bomoi. Kasi ekómaka bomoi ya motindo mosusu ntango apemi pema ya bomoi na zólo na ye. Ekeseni. Nde oyo yango ezali, ezalaka. . .

⁴² Ndeko na ngai molingami Metodiste, Pelerin de Sainteté, mpe Nazaréen, libatisi ya Molimo Mosanto ekeseni na kobulisama. Kobulisama ezali kopetolama, elingi koloba kobongisama ya Bomoï. Kasi ntango Molimo Mosanto eyei, Ezali Bomoï. Kobongisama ezali kosukola mbeki; Molimo Mosanto ezali kotondisa mbeki. *Kobulisama* elingi koloba “kosukolama mpe kotiamama pembeni mpo na mosala.” Molimo Mosanto ezali kotia yango na mosala. Yo nde mbeki oyo Nzambe asukoli.

⁴³ Tomoni ete Molimo Mosanto ezali Nzambe Ye moko kati na yo. Nzambe azalaki likoló na yo, kati na Likonzi na Mótó, elongo ná Mose. Nzambe azalaki elongo ná yo kati na Yesu Klisto. Sikoyo Nzambe azali kati na yo na Molimo Mosanto. Ezali banzambe misato te, Nzambe moko kosaláká na misala misato.

⁴⁴ Nzambe kokitáká, kokita longwa likoló na moto. Akokaki kosimba Ye te, mpo asalaki lisumu na elanga ya Edene mpe amikabolaki na bondeko ná Ye. Na nsima nini esalemaki? Asengelaki kozala likoló na ye. Makila ya bangombe ná bantaba ekokaki kozongisa Ye na bondeko na moto lisusu te; kasi na nzela na mibeko mpe malako, kotalisa liboso eleko oyo ekoya, ya kopesa mbeka ya bangombe, mpe bongo na bongo, ná bampate. . . Bongo ntango Nzambe akitaki mpe afandaki

kati ya nzoto ebulisamaki, oyo ebotamaki na mwasi mongondo, oyo Nzambe Ye moko... Boyebi nini Nzambe asalaki? A—Asalaki eloko moko te bobele... Atiaki Héma na Ye katikati ná oyo ya biso. Nzambe afandaki kati na Héma ebiangami Yesu Klisto. Atelemisaki kaka Héma na Ye elongo ná biso, Akómaki... (Nako—koteya yango na ntongo, boye, malamumu nátia yango pembeni.) Sikawa, mpo—Nzambe atiaki héma—to afandaki elongo ná biso... .

⁴⁵ Mpe sikawa Nzambe azali kati na biso. Na Yoane 14, Yesu alobaki: “Na mokolo wana, bokoyeba ete nazali kati na Tata, Tata kati na Ngai, mpe Ngai kati na bino, mpe bino kati na Ngai.” Nzambe kati na biso. Ntina ezalaki nini? Kokokisa mwango na Ye.

⁴⁶ Nzambe azalaki na mwango moko. Alingaki kosala kati na bato, mpe Amemaki yango kati na Likonzi na Móto, oyo ezalaki Móto ya kokamwa oyo ezalaki likoló ya bana na Yisraele. Na nsima Móto yango moko emonisamaki na nzoto ya Yesu. Mpe Alobaki ete Azalaki Móto yango: “Liboso Abraham ázala, NGAI NAZALI.” Azalaki Móto wana. Alobaki: “Nauti na Nzambe, mpe nakozonga na Nzambe.” Mpe na nsima na kufa, kokundama mpe kosekwa na Ye, Santu Paulo akutanaki na Ye na nzela—ntango nkombo na ye ezalaki naino Saulo—na nzela ya Damaseke, mpe Azongaki lisusu na Likonzi na Móto wana. Polé moko ebomaki ye miso. Ya solo.

⁴⁷ Mpe tala Ye oyo lelo, Likonzi na Móto yango moko, Nzambe yango moko azali kosala bilembo yango moko, misala yango moko. Mpo na nini? Azali kosala katikati na bato na Ye. Azali kati na biso. Na... Azali elongo ná bino sikoyo, “kasi nakozala kati na bino. Nakozala elongo ná bino, ata kati na bino, kino na nsuka ya makambo nyonso,” nsuka ya mokili. Akozala elongo ná biso.

⁴⁸ Sikawa, bótala. Yesu atíndáki bango ete bákende kozela na Yelusaleme. Liloba oyo *koumela* elingi koloba “kozela,” elingi koloba te kobondela, elingi koloba “kozela.” Balongobanaki naino te mpo na koteya, mpo bayebaki lisekwa na Ye kaka na nzela na Bomoto na Ye, na komona Ye na libanda. A—Apesáká bango motindo ete bátéya lisusu te, básala eloko moko te kino bátondisama liboso na Nguya longwa na Likoló.

Nandimaka te ete motei oyo atindami na Nzambe to akoki kobulisama na lolenge esengeli... Mpamba te Nzambe azángi nsuka. Mpe oyo Nzambe asali mbala moko, Akosala yango mbala nyonso. Sikawa, soki Nzambe aboyaki kopesa bango nzela ya koteya kino bákóma na Pantekote mpo na kobika likambo ya Pantekote, moto moko te, longola bobele na mposa makasi na ye moko to ebongiseli moko étinda ye, azali na makoki ya kokota eteyelo kino átondisama na Molimo Mosanto. Ezali mpenza ya solo. Mpamba te azali kokamba bango na mayele ya bongó ya

ebongiseli moko boye, kino akotóndisama na Molimo Mosanto; na bongo, akopesa bango bilei ya ebenga; *Mwana-mpate mpe Ebenga*, oyo tolobaki lobi na mpokwa.

⁴⁹ Sikawa bótala. Alobaki: “Bókende na Yelusaleme mpe bótikala kuna; bózela kaka kuna kino nakotinda elaka ya Tata.” Na bongo, eloko nini basalaki? Bazalaki bato mokama na ntuku mibale, mibali mpe basi. Bakendeke na eteni ya ndako moko ya likoló na tempelo.

Sikawa, ezalaki pene na kobelema na Eyenga ya Pantekote, longwa na kopetolama ya esika na bulee, kobomama ya mwana-mpate ya Pásika kino na—na boyei ya Pantekote, oyo ezalaki mbuma ya liboso ya bobuki mbumba, yubile, yubile ya Pantekote. Mpe likoló na bandako yango. . .

⁵⁰ Sikawa, nasíla kozala na bikólo yango. Na bikólo ya ebimelo na ntango, bazalaki mpenza mpenza na ebuteli na kati ya ndako te. Ebuteli ezalaki na libanda. Libanda ya tempelo, lokola toyebisami, ebuteli moko ezalaki kokende kino na eteni ya ndako moko ya moke na likoló; omati, likoló, mpe likoló, kino okokóma na mwa eteni ya ndako moko na likoló kuna, lokola esika moko ya kobomba biloko, na sóngé ya tempelo, lolenge moko ya mwa eteni ya ndako, eteni ya ndako ya likoló. Mpe Biblia elobi ete bazalaki na kati kuna mpe bikuke ekangamaki, mpo bazalaki kobanga Bayuda, mpo balingaki kosilisa bango mpo bazalaki kosambela Nkolo Yesu, nsima na Kayifa, nganganzambe monene, ná Ponti Pilata mpe baoyo babomaki Ye. Boye balingaki koboma baoyo nyonso bamibiangaki Baklisto. Bikuke ekangamaki, mpe bazalaki kozela.

⁵¹ Sikawa, na kati ya ba-chambre yango ya ndenge wana, maninísa ezalaka te. Maninísa ezalaki nde mwa biyungúlu boye ná mwa bikuke mpo na kofungola yango. Na kati ya chambre yango ezali na mwa míinda ya mafuta, oyo ezali kodiembela mpe kopela . . . Soki bosila kokende na Californie, na Clifton Cafeteria, bokita na eteni ya nsé ya ndako, bokomona mwinda moko mpenza lokola oyo ezalaki na chambre ya likoló yango. Bosíla kokende kuna? Bato boni awa basíla kokende kuna? Namoni bato kondima na koningisa motó. Ee, boyebi oyo nazali koloba. Malamu. Bókende kuna, bokomona Elanga ya Getsemane; liboso bósala yango, bokokota na moko na ba-chambre wana ya ebimelo na mói. Ezali mpenza ya solo. Kuna bokomona mwinda moko ya moke etóndá na mafuta ya eláya, na lotámbe moko ya kunza na mpate na kati, ezopeláká.

⁵² Sikoyo, tóloba ete bazalaki kuna na likoló, bamataki na ebuteli ya libanda. Bakómaki kuna na likoló mpe bamibombaki, mpo bazalaki kobanga Bayuda. Yesu ayebisaki bango te ete bákende na chambre ya likoló. Alobaki kaka: “Bózela na Yelusaleme.” Soko bazalaki ya kati ya ndako moko ya nsé, toyebi

te eloko nini elingaki kosalema. Balingaki kokóta mpe kokanga bango. Boye, bakotaki na mwa eteni ya ndako moko ya kala na likoló, mosika kuna na ebómbelo, mpe kuna, bakangaki eteni ya ndako yango mpo Bayuda bákotela bango te. Mpe bafandaki kuna, bazelaki mikolo zomi.

⁵³ Sikawa, sikoyo, tozali na Misala 1. Sikoyo, bóyoka na bokebi sikoyo. Bososoli elilingi yango? Libanda ya ndako yango, mwa ebuteli emataki, mpe bakotaki na mwa chambre yango. Na nsé, na kati ya tempelo, bazalaki na Limpati ya Pantekote. Oh, bazalaki na ntango moko monene ya kosepela. Sikawa, ntango mokolo ya Pantekote ekómaki mpenza, bango nyonso bazalaki na likanisi moko, na likanisi moko, kondimáká ete Nzambe akotinda elaka yango. Tika ete moto nyonso awa ákota na likanisi moko wana na mpokwa oyo, mpe bokomona oyo ekosalema. Esengeli kosalema lisusu. Ezali elaka kaka lokola oyo bango bazalaki na yango. Bomoni?

⁵⁴ Bazalaki kosala nini? Kolanda malako, kolanda mi—mi—mibeko ya Nzambe: “Bózela kino . . .”

⁵⁵ Sikawa, bazalaki kobanga Bayuda. Sikoyo, bómikanisela likambo yango. Bazalaki kobanga Bayuda. Sikawa, na mbala moko, lokito moko lokola kopepa ya mopepe makasi. Ezalaki kopepa ya mopepe makasi te; ezalaki lokola kopepa ya mopepe makasi. Nakotánga maloba ya molimboli nsima ya mwa miníti. Ezalaki lokola kopepa ya mopepe. Na elobeli mosusu, ezalaki mopepe ya molimo (oh!), eloko moko oyo bakokaki koyoka na nzoto. Mopepe yango ezalaki na kati na bango. Kopepa ya mopepe e—eyaki, lokola kopepa ya mopepe. Mopepe yango ezalaki kopepa te, kasi ezalaki lokola lokito ya mopepe, lokola eloko moko ezalaki kosala: Whew! Bosilá koyoka yango? Oh, la la! Lokola kopepa ya mopepe makasi. Sikoyo bótala malamau. Mpe etondisaki . . . Sikoyo, awa elobami “nyonso,” kasi na Greki elobá “Mobimba (M ya monene-o-b-i-m-b-a), Ndako Mobimba,” bisika nyonso kuna na kati. Mokaka nyonso, litúmu, mpe lidusú, ezalaki lokola etóndaki na yango. Ezalaki te: “Yoka, bandeko, bozali koyoka oyo nazali koyoka?” Te! Ezalaki na bisika nyonso, lokola kopepa ya mopepe. Sikoyo bótala malamau. “Lokito moko eyokanaki, lokola kopepa na mopepe makasi, mpe (likangisi. Sikoyo bótala malamau ba-*mpe* wana. Soki te, bokolobisa Yango eloko oyo Yango elobi te. Bomoni?)—mpe lokola (yango nde esalemaki liboso, lokito, eloko moko lokola ko—kopepa ya mopepe eyaki likoló na bango)—mpe (bozali kokanisa, lobi na mpokwa, Nakendeki na magazini kosomba lipa mpe mwa mosuni. Ezali eloko oyo ezalaki elongo ná yango. Lipa ezali eloko moko, mosuni ezali eloko mosusu. Mpe lokito ezalaki eloko moko oyo ebetaki bango)—mpe emonanaki na bango, (liboso na bango) ndémo—ndémo ekabwáná.”

⁵⁶ Moto moko awa asilá kotala filme ya *Mibeko Zomi* ya Cecil DeMille? Bomonaki ntango Mibeko ezalaki kokomama? Ndenge

asósolaki yango, nayebaki te. Namonaki makambo mibale to misato na filme yango oyo nasepelaki na yango mingi. Ya liboso ezali polé wana, ya lángi na emeraud, Ezalaka mpenza lolenge wana. Bomoni? Eloko mosusu ezalaki ntango Mobeko ezalaki kokomama, ntango esilaki, bomonaki kopumbwa-pumbwa uta na Likonzi na Móto monene wana, ezalaki na mwa ntótó ya móto ezalaki kopumbwa-pumbwa? Bomonaki yango? Sikawa, oyo wana nde nakanisi ete esalemaki na Pantekote. Emonanaki epai na bango. . . Boye, bazalaki komona Yango. Elobi te ete: “Ekweyaki na kati na bango.” Kasi ntótó ya móto emonanaki epai na bango (ndenge tokobenga yango), bandémo, lokola lolémo, lokola lolémo *oyo*, na lolenge ya lolémo, lotótó ya móto. Sikawa, litoi—ndenge nalobaki, litoi ezali litoi; mosapi ezali mosapi. Mosapi ezali te ete oyokaki yango; elingi koloba ezalaki lokola mosapi. Mpe soko ezalaki litoi, elingaki koloba te ete bayokaki yango; ezalaki lokola litoi. Yango ezalaki móto oyo ezalaki komonana lokola lolémo, ezali te ete moto moko azalaki koloba, kasi móto oyo ezalaki komonana lokola lolémo.

57 Sikawa, bóyoka. Bótala ndenge Greki ekomi yango awa:

Na mbala moko, lokito moko eyokanaki. . . lokola kopepa na mopepe makasi. . . (Molongo ya 3—ya 3.)

Mpe ndémo ekabwáná *emonanaki* na *bango*, . . . (Ezali te ete ndémo ekabwáná nde ezalaki na kati na bango, to bazalaki koloba na lolémo ekabwáná; ezalaki ndémo ekabwáná nde emonanaki na bango. Sikoyo, bótala malamumu. Ekómi naino likolo na bango te. Ezali wana, na kati ya chambre yango, kobalukáká lokola na kati ya mopepe oyo.) . . . epai na *bango. . . lokola. . . móto. . . ndémo* ekabwáná. . . *emonanaki na bango. . .* (elingi koloba, liboso na bango) *lokola. . . móto*, (ndémo lokola móto) *mpe* moko (booko) efandaki likoló na *moko na moko na bango*. (Ezali te ete ekotaki na kati na bango; kasi efandaki likoló na bango.)

58 Sikawa, bomoni lolenge nini Roi Jacques alingaki kobwaka yango: “Mpe ndémo ekabwáná eyaki likoló na bango, to efandaki (ekomami ndenge nini kuna na ndimbola ya Roi Jacques?) efandaki likoló na bango.” Bomoni? Sikawa, ekokaki komata kuna te mpe kofanda. Toyebi yango. Kasi makomi ya ebandeli elobaki: “Efandaki likoló na bango,” nabanzi; boye te? Bótika názua yango malamumu. Iyo! “. . . efandaki likoló na moko na moko na bango.” Lolemo moko ya móto epémaki likoló na moko na moko na bango. Bomoni yango? Bososoli yango? Oyo wana nde eloko ya mibale oyo esalemaki. Ya liboso ezalaki mopepe, na nsima ndémo ya móto emonanaki.

59 Esalemaki na kati ya mwa eteni ya ndako oyo ná mwa mínda ya mafuta oyo ezalaki kopela. Bókanisa na ntina na bango bafándaki kuna na likoló. Mpe moko alobi: “Oh!” Atalaki

na ndako mobimba; ezalaki na ndako mobimba. Na nsima, balobaki: “Bótala!” Ndémo ya móto ebandaki koya na ndako yango. Sikoyo bótala. Mpe ndémo ya móto yango emonanaki.

Sikawa bótala likambo oyo elandi:

Mpe (Likangisi mosusu; likambo mosusu esalemaki.)
bango nyonso batondaki na Molimo Mosanto, . . .
 (Likambo ya mibale oyo esalemaki.)

⁶⁰ Sikawa bomoni, biso tolingi kobongola yango, koloba: “Bazalaki na ndémo ya móto, mpe bazalaki kolobaloba; na nsima babimaki mpe babandaki koloba monoko oyo eyebani te.” Eloko ya bongo ezali te kati na Makomi, moninga. Moto nyonso oyo akoloba monoko moyebani te ntango azui Molimo Mosanto, asali yango kokesene na Biblia. Nakotalisa bino yango na miniti moke, mpe nakotalisa bino yango polele, nandimaka na likambo ya koloba minoko miyebani te, kasi kozanga kozua Molimo Mosanto. Yango ezali likabo ya Molimo Mosanto. Molimo Mosanto ezali Molimo.

⁶¹ Sikawa bótala malamumu. Ndémo oyo ezalaki na eteni ya ndako yango, lokola móto, mpe efandaki likoló na moko na moko. Na nsima batondaki na Molimo Mosanto (likambo ya mibale), mpe bongo, nsima na bango kotonda na Molimo Mosanto, balobaki minoko na sika, ná ndémo te, kasi ná nkóta. Bomonaki yango? Babandaki koloba minoko mosusu, ndenge Molimo epesaki bango koloba. Sikawa, nsango yango epanzanaki.

⁶² Sikawa bótala malamumu. Sikawa, tótalisa lisusu yango na ndakisa mpo bóbosana yango te sikoyo. Kokokana na Makomi, wana bazalaki kozela na eteni na ndako ya likoló, na mpwasa lokito lokola kopepa na moepepe, ezalaki likoló na bango; wana ezalaki Molimo Mosanto. Bato boni bandimi ete wana ezalaki komonana ya Molimo Mosanto? Lokola moepepe, moepepe ya molimo. Na nsima, bamonaki. Mpe na kati kuna, ndémo ya móto ya mike ezalaki mokama na ntuku mibale, mpe ebandaki kokita mpe kofanda likoló na moko na moko na bango. Ezalaki nini? Ezalaki nini? Likonzi na Móto, oyo ezalaki Nzambe Ye moko, Amikabolaki katikati na libota na Ye, kokótáká na kati ya bato. Yesu azalaki na mobimba na yango; Azalaki na Molimo kozanga ndelo; biso tozuaka Yango na ndelo (Bomoni oyo nalingi koloba?), mpo tozali bana oyo bapesami lokumu ya bana. Bomoi na Ye—Bomoi na Ye ya Seko ezalaki kokota. Sikawa, likambo nini esalemaki? Na bongo bango nyonso batondaki na Molimo Mosanto.

⁶³ Sikawa, nalingi kotuna bino likambo moko. Nungú-nungú yango ebandaki na ntango nini? Soki esengelaki na bango kobima na eteni ya ndako ya likoló wana mpo na kokita bibuteli mpe kokende na kati ya mapángo ya ndako monene wana—to na kati ya—ya mapángo ya tempelo, oyo ezalaki, ntango mosusu mwa ntáká longwa na esika oyo bango bazalaki, na likoló mpe

na nsé, kino na mapángo, epai wapi bato nyonso bayanganaki elongo . . . Mpe babimaki kuna lokola bato balángwi na Molimo. Mpo bato balobaki: “Bato oyo batondi na vinyo ya sika.” Batikálá komona likambo moko ya lolenge wana te.

⁶⁴ Mpe moko na moko na bango azalaki komeka koloba: “Molimo Mosanto eyei. Elaka na Nzambe ezali likoló na ngai. Na—nasili kotondisama na Molimo.” Mpe lokola ye azalaki Mogalilai, moto oyo azalaki kosolola na ye azalaki Mo-araba to mo-Palasi, azalaki koyoka ye na lokóta na ye moko.

⁶⁵ “Ndenge nini tozoyoka (ezalaki te lokótá oyo eyebani te)—ndenge nini tozoyoka moto na moto na lokóta ya mboka? Bato oyo bazali koloba, bango nyonso bazali Bagalilai te?” Mpe ntango mosusu bazalaki koloba Kigalilai. . . Kasi ntango bayokaki yango, ezalaki na lokóta babotamaki na yango. Soki ezali bongo te, nalingi bótuna ngai—bóyanola ngai na motuna oyo: Ndenge nini Petelo atelemaki wana, mpe alobaki Kigalilai, mpe eboke mobimba bayokaki oyo ye azalaki koloba? Milimo nkóto misato bandimelaki Klisto wana mpenza, wana Petelo azalaki koloba lokóta kaka moko. Ya solo! Ezalaki Nzambe kosaláká ekamwiseli. Petelo, epai ya bayóki yango moko, baoyo bazalaki bafandi ya Mesopotamia, bapaya, mpe bandimi ya sika, mpe bato ya ndenge na ndenge, oyo bautaki na mokili mobimba, bazalaki wana. . . Mpe Petelo atelemaki mpe ateyaki na lokóta moko, mpe moto nyonso ayokaki ye, mpo bato nkóto misato babongolaki motema mpe babatisamaki mbala moko na Nkombo na Yesu Klisto. Wana ezali nini?

⁶⁶ Bomoni, baninga, nakoki kozela te ete bandeko na ngai ya denomination, Pantekote, bándima yango na mbala moko sikoyo. Kasi bólandela yango na Biblia mobimba mpe bóyebisa ngai ntango nini, esika nini bazuaki Molimo Mosanto mpe balobaki lokóta moko oyo bayebaki te eloko nini bazalaki koloba. Mpe soki wana nde lolenge bazuaki Yango kuna, Nzambe ya nsómí. . . Esengeli kosalema lolenge moko mbala nyonso.

⁶⁷ Sikawa, nakoki te. . . Sikawa, epai ya Kolone. . . Tómkanisela, ntango tokendeki na Samalia, lobi na mpokwa, tomonaki ete eloko moko te ekomamaki na ntina na bango koloba ete bazalaki koyoka bango na lokóta mosusu, eloko moko te elobami na ntina na yango. Kasi ntango bakendeki na ndako ya Koloneli, epai wapi bato ya bikólo misato ekeseni bazalaki, bango balobaki minoko na sika. Mpe ntango basalaki bongo, soki basalaki yango, bazuaki Yango, Petelo alobaki ete bazuaki Yango lokola bango bazuáki na ebandeli. Mpe bayebaki ete Mabota bazuaki ngolu útá na Nzambe, mpamba te bazuaki Molimo Mosanto, kaka ndenge bango bazuaki na ebandeli. Nazali na motuna moko awa, likambo moko na ntina na yango, na mwa miniti. Nalingaki kotia mobóko, mpo bómoma nini oyo yango ezali.

68 Sikawa, nakoki kozela te bato oyo balakisami lolenge mosusu. . . Mpe báyoka ngai, bandeko na ngai ya motuya, ba-Pantecotise. Nakoteya malakisi oyo libanda te. Oyo ezali. . . Nakolinga te kosala eloko moko mpo na kotiana ntembe. Kasi soki totalisi Solo te, tokobanda ntango nini? Tosengeli kozala na eloko moko kosalema awa mpo na kosembola biso. Tosengeli kozua ngolu ya konétolama awa, sikoyo. Solo esengeli kotatolama.

69 Moto akosala nini soki ayokaka te, alobaka te, mpe alobaka ata moke te? Akoki kozua Molimo Mosanto? Bongo soki azalaki ata na lolémo te mpo na kobanda, mpe mobóla ndeko yango alingaki kobikisama? Bomoni? Ezali Molimo Mosanto, ezali libatisi. Na bongo makabo nyonso oyo, ndakisa koloba minoko na sika, kolimbola minoko na sika, ezali nsima na yo kokóta na Nzoto, na nzela na libatisi ya Molimo Mosanto. Mpo makabo wana ezali na kati ya Nzoto ya Klisto.

70 Sikawa, ntina nalobaka. . . Sikoyo, báyoka. Bokoki kondima ete lingomba Katoliko, oyo ezali lingomba ya liboso oyo ekómaki ebongiseli na mokili mobimba, nsima na bantóma. . . Na nsima, lingomba Katoliko ekomaki ebongiseli, oh, mibu nkama na nkama nsima na kufa ya ntóma ya nsuka, pene na mibu nkama motoba mpe—mbula ebele nsima na bantóma, kaka nsima na Likita ya Nicee, ntango batata ya Nicee basangaki elongo mpe basalaki ebongiseli; na bongo basalaki lingomba ya mokili mobimba, oyo ezalaki lingomba Katoliko. Kuna, basalaki lingomba ya mokili mobimba. Mpe liloba oyo *katoliko* elingi koloba “ya mokili mobimba”; ezali na bisika nyonso. Bango. . . Baroma—Roma ya bapakanzi ekómaki Roma ya pápa. Batiaki pápa moko ázala mokonzi mpo na kozua esika ya Petelo, oyo bango bakanisaki mpe balobaki ete Yesu apesaki ye mafungola ya Bokonzi. Mpe ete pápa azalaki na libunga te, mpe azali kino lelo, mpo na lingomba Katoliko. Ete. . . Liloba na ye ezali mobeko mpe motindo. Azali pápa oyo asalaka libunga te. Endimamaki bongo.

71 Na nsima, baoyo bazalaki koyokana te na malakisi oyo ya Bakatoliko, bazalaki koboma bango, kotumba bango likoló ya nkoni, mpe nyonso wana. Toyebi nyonso wana na nzela na mikanda ya búlee ya Josephus, mpe *Buku ya Babomami ya Fox*, mpe na mikanda ya búlee mingi mosusu. . . *Ba-Babylone Mibale* ya Hislop, mpe mi—mikanda minene ya mambi maleká. Na nsima, yango—nsima na mibu nkóto moko na nkama mitano, lokola toyebi, ya Bileko ya Molili, babotolaki bato Biblia. Mpe Ezalaki—Ebombamaki na elenge sángó moko, mpe nyonso wana, tososoli.

72 Bongo nsima na yango, Bobongisi ya liboso esalemaki, yango ezalaki Martin Luther. Abimaki mpe alobaki ete komúnyo oyo Bakatoliko babengaki nzoto—nzoto mpenza ya Klisto, ezalaki kaka nde kotalisa nzoto ya Klisto. Mpe abwakaki komúnyo

likoló na etumbelo, to na bibuteli, mpe aboyaki kobenga yango nzoto mpenza ya Klisto, mpe ateyaki: “Moyengebene akobika na kondima.” Sikoyo, bókanisa te ete lingomba Katoliko ekoyokana na ye, na ntembe ata moke te, na ntango oyo mokonzi na bango oyo asalaka libunga te apekisi bango yango. Malamu.

⁷³ Bongo nsima na Martin Luther, ateyaki Kolóngisama, John Wesley ayaki, koteyáká Kobulisama. Mpe ateyaki ete moto, nsima na ye kolóngisama (ezali malamumu) kasi osengeli kobulisama, kopetolama, mosisa ya mabe elongolami kati na yo na nzela na Makila na Yesu. Sikoyo, bókanisa te ete bato na Luther bakoteya Kobulisama, mpo bakosala na bango yango te.

⁷⁴ Nsima na Wesley koteya Kobulisama, mpe mwa biteni mungi ebimaki longwa na yango, oyo epesi, ba-Methodiste ya Wesley, ba-Nazareen, mpe bongo na bongo, oyo basalaki ete móto ékoba kopela na eleko na bango, na nsima Pantekote bayaki mpe balobaki: “Ee, Molimo Mosanto ezali libatisi, mpe tolobaka minoko na sika ntango tozuaka Yango.” Na ntembe te. Na bongo, ntango yango eyaki, bókanisa te ete ba-Nazareen, ba-Methodiste ya Wesley, mpe bongo na bongo, bákókaki kondima yango. Bandimaki te. Babengaki yango molimo mabe. Malamu. Eloko nini esalemaki? Babandaki kokwea; Pantekote ebandaki komata. Sikawa emataki kino na esika oyo Pantekote ezuaki koningana na yango. Ekamaki ebongiseli mpe ebimaki libanda, endimaka eloko mosusu te. Bakómi na mibeko mpe malako na bango moko, mpe esili wana.

⁷⁵ Sikawa, ntango Molimo Mosanto eyei komonisa Bosolo ya likambo moko mpe etalisi yango polele na nzela na Bozali na Ye moko mpe na nzela na Liloba na Ye, bókanisa te ete ba-Pantecotiste bakoloba: “Nandimi likambo yango.” Osengeli kotelema yo moko, lolenge Luther asalaki, lolenge Wesley asalaki, mpe lolenge baoyo batikali basalaki. Osengeli kokangama na yango mpo ngonga ebelemi. Mpe yango nde ekómisaka ngai libata ezángá bonzéngá. Yango nde ekomisaka ngai ndéngé.

⁷⁶ Mpe nakoki kokende liboso te, lokola Ndeko na ngai ya motuya Oral Roberts, mpe Tommy Osborn, Tommy Hicks, ná bango, mpo mangomba bakoyokana ná ngai te. Balobaka: “Andimaka kobatelama ya Seko. Azali Batiste. Andimaka te ete koloba minoko na sika ezali elembeteli ya ebandeli ya Molimo Mosanto. Bózala mosika na moto wana!” Bomoni?

⁷⁷ Kasi bókutana na likambo yango miso na miso. Bókutana na yango. Bakoki kokutana ná ba-Lutherien, ba-ba-Methodiste bakoki kosala yango. Ba-Pantekotiste bakoki kokutana ná ba-Methodiste. Nakoki kokutana ná ba-Pantekotiste na likambo yango. Ezali mpenza bongo. Ya solo. Mpo na nini? Tozali kotambola kati na Polé lokola Ye azali kati ya Polé. Bomoni? Tozali komata na Nzela monene ya Mokonzi, mpe mingi koleka

ezali koya, ngolu koleka ezali kopesama, koleka nguya ezali kopesama, bikamwa ya koleka ezali kopesama. Yango nde esika tokómi. Sikawa nde ngonga oyo Molimo Mosanto akiti na lolenge ya Polé, ndenge Azalaki na ebandeli, Likonzi na Móto, mpe Amimonisi, azali kosala makambo yango moko mpenza oyo Asalaki ntango Azalaki awa na mabelé. Mpe Yesu alobaki: “Bokoyeba ndenge nini soko bazali na solo to te? Bokoyeba bango na mbuma na bango. Moto oyo akondimela Ngai, misala mizali Ngai kosala, akosala yango mpe lokola. Bilembo oyo ekolanda baoyo bakondima.”

⁷⁸ Sikawa, bandeko na ngai ba-Pantekotiste. Nazali elongo ná bino. Nazali moko na bino. Nazali na Molimo Mosanto. Nasilá koloba minoko na sika, kasi nasalaki yango te ntango nazuaki Molimo Mosanto. Nazali na libatizi ya Molimo Mosanto; nalobá minoko na sika, nasakolá, nazuá makabo ya boyébi, bwanya, ndimbola, mpe makambo ndenge na ndenge esalemaki. Kasi nazali kobikela makambo nyonso wana, mpo sikoyo, nazali mwana na Nzambe. Nguya, Móto ya Nzambe ezali na kati na elimo na ngai; ndemo na Móto oyo etiamaki—ekotaki na kati na ngai mpe ezikisaki nyonso oyo ekesanaki na Nzambe, mpe sikawa nakambami na Molimo na Ye. Akoki koloba: “Kende *awa*,” mpe nakokende. “Kende *awa*,” nakokende. “Loba *awa*,” nakoloba. “Sala *oyo ná oyo kuna* mpe oyo *mosusu*.” Yango mpenza, kaka lokola . . . Okambami na Molimo. Wana ezali Nzambe kati na yo kokokisáká mokano na Ye. Ézala likambo nini, Azali kokokisa mokano na Ye.

⁷⁹ Sikawa, bóyoka. Bótika ete námona, nátanga awa liboso tóbanda mitúna likoló na buku ya ndimbola ya maloba makasi. Sikawa, euti na Ndimbola ya Vatican, Volume 7, 190—1205:

“Ezali mpasi mpo na koloba polele soko ezalaki mongongo ya bato oyo bazalaki koloba minoko ya bapaya; to nsango to nungú-nungú ya mosala ya kopepa na mopepe makasi ya likoló nde esepelisaki ebelé na bato.”

Bakokaki kososola yango te. Sikoyo bótala malamumu. Soko yango ezalaki bato nde . . .

⁸⁰ Nakotalisa yango na elilingi. Oyo ezali etóngá ya babola ya Galilai, ná bilamba ya ntina te. Mpe bango wana na balabala. Batikálá komona likambo ya ndenge wana te: maboko na bango kotombwana na likoló, bautaki na eteni ya ndako na likoló wana, bakitaki bibuteli wana, babimaki wana, bautaki kotondisama; balobaki naino eloko moko te. Bomoni? Bakitaki awa mpo na koleka kuna. Mpe sikawa, tóloba, bazalaki wana, kotengatenga zinga-zinga kuna. Mpe bato balobaki . . . Mo-Greki moko apotaki mbango epai na ngai mpe, tóloba, nalobaka ki-Galilai.

Opoti mbangu epai na ye mpe olobi: “Likambo nini ná yo, Moninga?”

81 “Nasili kotondisama na Molimo Mosanto. Nguya na Nzambe ekitaki kuna, na eteni ya ndako wana. Likambo moko ekómeli ngai. Oh, nkembo na Nzambe!”

Mpe mosusu kuna, azalaki kosolola na Mo-araba moko, ye Mogalilai, azalaki koloba ki-Araba—lokota ya Araba.

82 Sikawa, bazoyeba te soki ezalaki mopepe makasi nde esangisaki bato ntango ebele na bato bayaki elongo, to ezalaki koloba na lokóta ya bapaya oyo bazalaki koloba? Sikawa, Biblia elobi mpenza te. . . . Bozali na makambo mibale oyo bokoki kotala. Ezalaki nde. . . . Ba—bato ya libanda balobaki: “Ndenge nini tozali koyoka moto na moto na lokóta na biso ya mboka?” Elobaki te ete bazalaki koloba yango, kasi bazalaki koyoka yango.

83 Na bongo lisanga yango moko, bato yango moko, bólimbola likambo oyo. Petelo amataki likoló ya eloko moko mpe alobaki: “Bino bato ya Galilai, mpe bino baoyo bofandi na Yelusaleme, tika ete likambo oyo éyebana na bino (bato balobaki ete bazalaki na lokóta ya ki-Galilai te) tika ete likambo oyo éyebana na bino mpe bóyoka maloba na ngai (azalaki—azalaki koloba na lokóta nini, na bango nyonso?); boye, bato oyo balángwi te, lokola bozali kobánza, komona ezali ngonga ya misato na moi, kasi oyo ezali likambo oyo elobamaki na mosakoli Yowele ete: ‘Mpe ekosalema ete na mikolo ya nsúka, Nzambe alobi, nakosopa Molimo na Ngai likoló na nzoto nyonso. Bana na bino mibali mpe basi bakosakola.’” Akobaki koloba, mpe alobaki: “Ná maboko ya kanza, bobakáki na ekulusu Mwana ya Nzambe oyo asalaki mabe te. Dawidi alobáki na ntina na Ye. . . . ‘ete akotika molimo na Ye na ewelo te, mpe Akotika te ete Mobulami na Ye ámona kopola.’” Mpe alobaki: “Bóyeba ete Nzambe akómisi Yesu moko oyo bobakáki na ekulusu, Nkolo mpe Klisto.” Mpe ntango bayokaki likambo oyo. . . . Amen! Banani? Moto nyonso na nsé na mói. Likambo nini ezalaki kosalema? Azalaki koloba te ete: “Sikawa, nakoloba na ki-Galilai; nakoloba na lokóta *oyo*; mpe nakoloba na *oyo*. . . .?”

84 Wana Petelo azalaki koloba maloba oyo, balobaki: “Mibali mpe bandeko, tokoki kosala nini mpo tóbikisama?” Petelo apesaki bango lolenge ya kosala. Lolenge wana nde esalamaka ntango nyonso. Bomoni?

85 Ezali komata se komata, kokoba kokóta kati na Nzambe, kotambola pene koleka. Oyebi yango ndenge nini? Malamu sikawa, ntango Luther azuaki kolóngisama, abengaki yango Molimo Mosanto. Ezalaki bongo. Nzambe asopaki Yango mwa moke kuna. Na nsima, Alobaki nini? Wesley azuaki Kobulisama, mpe alobaki: “Moninga, ntango ogángi, ozui Yango.” Kasi mingi na bango bagángaki bazuaki Yango te. Ntango ba-Pantekotiste balobaki minoko ya sika—minoko eyebani te,

balobaki: “Baninga, bozui Yango.” Kasi mingi na bango bazuaki Yango te.

Ezali na makambo ya ndenge wana te, na bilembo wana nde bokoyeba yango. “Nzela kaka moko ya koyeba nzete,” Yesu alobaki, “ezali na mbuma oyo yango ebotaka,” misala ya Molimo, mbuma ya Molimo. Na bongo ntango bomoni moto oyo atondisami na nguya, oyo atondisami na Molimo Mosanto, na bongo bomoni bomoi oyo ebongwani. Bomoni bilembo oyo elandaka baoyo bandimi: “Na Nkombo na Ngai, bakobengana milimo mabe, bakoloba minoko na sika. Soki nyoka eswi bango, ekosala bango eloko te. Soko bameli eloko ya kufa, ekoboma bango te. Bakotiela babeli maboko, mpe bakobika.” Oh la la! Bilembo ya ndenge oyo elandaka baoyo bandimi. Kasi bakótaka kati na yango ndenge nini? Makabo yango ezali kati na Nzoto. Bakótaka kati na Nzoto yango ndenge nini? Na nzela ya maloba na yo te; kasi na nzela ya kobatisama kati na Nzoto moko (I Bakolinti 12:13). Na Molimo moko, biso nyonso tobatisami kati na Nzoto yango mpe tokoki kozua makabo nyonso. Nkolo ápambola bino.

⁸⁶ Sikawa, soki moto moko asengeli koyoka bande oyo to moto moko awa andimi yango te, bómikanisela, bósala yango na lolenge ya malamumu, ndeko, mpamba te ngai nalingi bino.

93. Motuna ya liboso na mpokwa oyo: Ndeko Branham, nakanisi ete televizió ezali elakeli mabe mpo na mokili. Yo okanisi nini mpo na yango?

⁸⁷ Malamumu, moto nyonso oyo akomaki yango, nakondimana ná yo. Bakómisi yango elakeli mabe mpo na mokili. Ekokaki kozala lipamboli mpo na mokili, kasi bakómisi yango elakeli mabe. Eloko nyonso ya lolenge wana, balingami na ngai, ezali eloko oyo ozali kotala yo moko. Soki televizió ezali elakeli mabe, boye zulunále ezali elakeli mabe, boye radio ezali elakeli mabe, mpe mbala mingi telefone ezali yango. Bomoni, bomoni, bomoni, bomoni? Ezotala eloko nini ozosala na yango. Kasi, lokola ndeko alobaki mokolo mosusu na mpokwa, ete ezali mpasi mpo na kozua lisusu manáka ya televizió; ezosénga mbongo mingi koleka. Mobola ya motei moko oyo ateyaka Litondi ya Nsango-malamumu akoki kofuta manáka na televizió te. Boye yango wana. . .Ndeko alobaki, mokolo wana na mpokwa, Nandimi, esika moko, alobaki: “Longólá putulu na radio na yo,” to moto moko, to, “Bimisa yango na esika obombaki yango, mpe yoka bamanáka wana.” Ya solo.

⁸⁸ Kasi, ndeko molingami, ézala nani yo ozali, na ntembe te nandimani ná yo. Ekómi moko na biloko ya mabe koleka mpo na libota ya moto. Na kati na yango, bakómi kozua mbongo nyonso oyo esengelaki kokende na letá mpo na mpáko, mpe batii yango na piblisite mpo na manáka likoló na makaya, whiski mpe makambo ya ndenge wana, mpe bazali kokáta yango na

mpáko ya letá; na nsima, bazali kofunda batei na tribinále mpe kosambisa bango mpo bábimisa bango mwa mbongo. Nandimani ná yo, ekómi eloko moko ya nsómo. Sikawa, ezali te. . . Boyebi, ezali kaka eloko oyo ezali komonana. Matondi, ndeko mwasi, ndeko mobali, ézala nani yango oyo atunaki motuna yango.

94. Sikawa, moko ya malamumu yango oyo. Motuna: Ezali na bisika na Biblia, lokola Samwele ya Liboso 18:10, oyo elobi ete molimo mabe uta na Nzambe, esalaki makambo. Nasosolaka te “molimo mabe moko uta na Nzambe.” Okoki kolímbola yango.

⁸⁹ Malamumu, ntango mosusu na lisungi ya Nkolo, nakokoka. Elingi koloba te ete Nzambe azali Molimo mabe. Kasi milimo nyonso na makambo nyonso etosaka Nzambe. Mpe Asalaka ete makambo nyonso ézala kokokana na oyo Ye alingi. Bomoni?

⁹⁰ Sikawa, na motuna na yo, ozali kolobela molimo mabe oyo eutaki na Nzambe mpo na kotungisa Saulo. Akómaki na lolenge ya—moto na mawa, alembaki nzoto, mpamba te, ya liboso, azongaki nsima. Mpe ntango ozongi nsima, molimo mabe moko—Nzambe akopesa nzela ete molimo mabe moko étungisa yo.

⁹¹ Nakosepela kotángela bino eloko moko na—na mwa ngonga. Nazali na líkanisi mosusu likoló na yango awa. Bomoni? Molimo nyonso esengeli kotosa Nzambe. Bozali koyeba lisusu ntango Yosafata ná Akaba balingaki kokende na etumba? Eloko ya liboso, boyebi, ezalaki na—bafandaki na bikuke ya engumba. Yosafata azalaki moyengebene, mpe alobaki (bakonzi yango mibale bafandaki wana, mpe basangisaki mampinga na bango) na bongo alobaki: “Tótuna Nkolo mpo tóyeba soki tosengeli kokende kuna to te.”

⁹² Mpe Akaba akendeki mpe azuaki basakoli nkama minei oyo azalaki na bango, bango nyonso, aleisaki bango mpe bakómaki minene, mpe nyonso wana; bazalaki na nzoto malamumu. Mpe bayaki wana, mpe bango nyonso basakolaki na bomoko, balobaki: “Kende, mpe Nzambe akopesa yo elónge. Kende na Lamote Gilada mpe kuna, Nzambe akozuela yo eloko yango.” Moko na bango amisalelaki maseke mibale mpe abandaki kokima mbangu zinga-zinga lokola etaliseli, alobaki: “Na maseke ya ebende oyo, okobengana bango libanda na mboka; ezali ya yo.”

⁹³ Kasi boyebi, ezalaka na eloko moko na ntina na moto na Nzambe, oyo esalaka ete álanda makambo nyonso wana te. Bomoni? Soki elongobani na Makomi te, mbeba moko ezali. Mondimi nyonso ya solo. . . Boye, Yosafata alobaki: “Ee, bato nkama minei wana bazomonana lokola bazali malamumu. Bazali komonana lokola bato malamumu.”

“Oh, bazali malamumu,” ntango mosusu Akaba alobaki bongo.

Kasi Yosafata alobaki: “Bozali na mosusu te?” Mpo na nini koluka moko mosusu, na ntango bozali na bango nkama minei,

na bomoko? Mpo ayebaki ete eloko moko eyokanaki mpenza malamuru te. Bomoni?

Alobaki: “Iyo, tozali na moko mosusu awa, mwana ya Yimila,” alobaki, “kasi nayinaka ye.” Solo mpenza. Okokanga losambo na ye ntango nyonso oyo okolinga. Okobengana ye libanda na mboka. Bomoni? Solo mpenza. “Nayinaka ye.”

“Oyinaka ye mpo na nini?”

“Asokolaka ntango nyonso mabe mpo na ngai.” Nandimi ete Yosafata ayebaki mbala moko na ngonga yango ete ezalaki na—ete eloko moko ezalaki kotambola malamuru te.

Na bongo, alobaki: “Bókende kozua Mika.”

Boye, bakendeki kozua ye, mpe ayaki wana . . . Boye, ntango bakendeki kuna, batindaki motindami mpe alobaki: “Sikawa, zela moke. Sikawa, bazali na Docteur ya Bonzambe nkama minei kuna. Bazali baoyo ya malamuru koleka na ekólo, ná diplome ya Doctorat, ya Doctorat ya Droit mpe nyonso wana.” Alobaki: “Sikawa, oyebi, yo mwa mobola ya moinga oyo, okotelemela bakambi ya lingomba nyonso wana te.”

⁹⁴ Yimila alobaki boye, to, nalingi koloba, Mika alobaki boye: “Nakoloba eloko moko te kino Nzambe akotia yango na monoko na ngai, na bongo, nakoloba mpenza oyo Ye akoloba.” Nasepeli na yango. Nasepeli na yango. Na elobeli mosusu: “Nakokangama ná Liloba.” Etali te eloko nini bamosusu balobáki. Alobaki: “Malamuru,” alobaki, “naye bisi yo. Soki olingi te ete bábwaka yo libanda, ekozala malamuru óloba ndenge moko.”

Na bongo, akendeki kuna. Mpe alobaki: “Nákende kuna?”

Alobaki: “Kende.” Alobaki: “Pesa ngai butu oyo. Tika ete násolola yango ná Nkolo.” Nasepeli na yango. Boye, na butu wana, Nkolo amonanaki na ye, mpe na mokolo elandaki, akendeki kuna. Mpe alobaki, ntango azalaki kokende kuna, alobaki: “Kende; kasi namoni Yisraele lokola bampate bazangi mobateli, bapalangani likoló ya bangomba.” Oh, la la! Yango esilisaki ye mpema nyonso.

Mpe alobaki: “Nayebisaki yo te? Nayebaki yango. Wana nde ndenge asalaka mpenza ntango nyonso, kolobaka makambo ya mabe mpo na ngai.”

⁹⁵ Mpo na nini? Azalaki kokangama ná Liloba. Mpo na nini? Mosakoli moko liboso na ye, Liloba na Nzambe kouta na Eliya, mosakoli ya solosolo, alobáká: “Lokola osopaki makila ya Nabote oyo ayebaki likambo te, bambwa bakoléta mpe makila na yo.” Mpe alobáká mabe mpo na ye. Elisa asíláká kokende na Likoló. Kasi ayebaki ete Elisa azaláki na Liloba na Nzambe, boye, akangamaki ná Liloba. Nasepeli na yango. Kangáma na Liloba.

⁹⁶ Soki Biblia elobá ete Yesu Klisto azali motindo moko lobi, lelo mpe libela; nguya na Ye ezali ndenge moko kino lelo; Molimo

Mosanto ezali mpo na moto oyo alingi, áya, ákangama na Liloba. Iyo, misié! Etali te nini oyo baoyo batikali balobi. Ata báleisámá malamú ndenge nini, mpe ata bátánga na biteyelo boni, yango ekosala eloko moko te.

Na bongo, alobaki . . . Engambe mobali wana, oyo azalaki na maseke na motó na ye, mpo na kobengana—kobengana bango libanda na mboka, mosika na mokonzi, apusanaki mpe abetaki ye na monoko (elenge motei oyo). Ayebaki ete azalaki kaka mwa motúntuki moko boye, bongo bakoloba eloko moko te mpo na yango, boye, amamolaki ye na monoko. Alobaki: “Nalingi kotuna yo likambo moko.” Alobaki: “Nzela nini Molimo na Nzambe ekendeki ntango Elongwaki kati na ngai, soki ozali na Yango?”

⁹⁷ Alobaki: “Okososola yango ntango okozala na kati ya ekanganelo, kuna, lokola mokangami.” Alobaki: “Namonaki Nzambe afandi na ngbende (Amen! Sikoyo bóyoka!), mpe mampinga ya Likoló eyanganaki zinga-zinga na Ye.” Likambo yango ezalaki nini? Mosakoli na Ye asiláká koloba likambo oyo elingaki kokómela Akaba. Nzambe . . . Eliya moto alobáká yango te; ye azalaki mosakoli oyo apakolamaki. Wana ezalaki Liloba ya Nkolo, YANGO ELOBI NKÓLO. Mpe Mika alobaki: “Namonaki mampinga nyonso ya Likoló eyangani zinga-zinga na Nzambe na likita moko ya monene. Bazalaki kosolola bamoko na bamosusu. Mpe Nkolo alobaki: “Tokotinda nani, nani kati na bino akoki kokita mpe kokósa Ahaba, komema ye kuna mpo na kokokisa Liloba na Nzambe, mpo bábeta ye masasi? Nani yango Tokoki kotinda ákita kuna?”

⁹⁸ Malamú, moko azalaki koloba likambo *oyo to oyo kuna*. Mpe nsima na mwa ntango, molimo mabe moko, molimo ya lokuta, eutaki na nsé, emataki mpe elobaki: “Soki kaka Opesi ngai nzela. Nazali molimo ya lokuta. Nakokita mpe nakokota na kati ya batei nyonso wana, mpo bazali na Molimo Mosanto te; mpe nakosala ete bango (bazali kaka bilenge oyo batánga)—nakokita, nakokota na kati ya moko na moko na bango, nakokosa bango mpe kosala ete básakola lokuta.” Alobaki bongo? Mpe alobaki: “Na lolenge wana nde tokokosa bango.” Boye, akitaki.

Alobaki—Nzambe alobaki: “Napesi yo nzela ya kokende.”

⁹⁹ Akitaki, akotaki na kati ya basakoli ya lokuta wana, batei oyo batánga kelasi, mpe asalaki ete básakola lokuta. Ezalaki molimo moko ya lokuta kosala mpo na mokano ya Nzambe. Tika ná . . . Kaka mwa eloko moko mosusu bokoki komona awa, bózela moke. Bótala oyo malamú. Nalingi ete bózua elongo ná ngai Bakolinti ya Liboso mokapo ya 5, molongo ya 1, bózela mwa moke. Bakolinti ya liboso . . . Mpe bótala likambo oyo soki bolingi komona eloko moko, Nzambe azali kosala eloko moko—ndenge oyo milimo mabe wana, ndenge bako—bakotambola . . . Malamú, Paulo azali koloba:

Nsango eyokani ete pité ezali katikati na bino, mpe pité ya ndenge oyo ezali kútu te... ezalaka te epai ya bato ya Mabota, . . . (Bokanisi nini mpo na yango na kati ya lingomba?) . . . ete moto moko akamati mwasi ya tata na ye.

Mpe bozali kovimba na lolendo, mpe bozali te . . . (Tótala. Nakanisi ete nabaloli nkasa mibale na . . .) . . . Bino bozali—Mpe bozali kovimba na lolendo, bosengelaki kútu nde kozala na mawa, mpo . . . (Sikawa, bózela moke. Nazali nde . . . Iyo, ya solo. Iyo.) . . . mawa . . . (Ezali bongo.) . . . bozali kovimba na lolendo, esengelaki kutu . . . ete bólela, mpo ye oyo asalaki likambo wana álongolama na kati na bino.

¹⁰⁰ Nayebi te. Nandimi te ete moto moko akolinga kobakisa likoló na yango to kolongola na yango, kasi nazali kaka kolobela makambo oyo Nandimaka: Soki moto moko asili kotondisama na Molimo, akoki kobungisa Yango te. Bomoni, bomoni?

Mpo na ngai, ata na nzoto nazali te, kasi na molimo nazali, nasili mpenza kosambisa, lokola nde nazalaki wana, moto oyo asali likambo ya boye,

Na nkombo ya Nkolo na biso Yesu Klisto, ntango bosangáni, ná molimo na ngai elongo ná nguya ya Nkolo Yesu Klisto,

Bókaba moto yango na Satana mpo na kobébisama ya nzoto na ye, mpo molimo ekoka kobikisama na mokolo ya Nkolo Yesu.

¹⁰¹ Nzambe, azali koyebisa na Lingomba mosanto, oyo ezali Nzoto na Ye awa na mabelé, ete (sikawa, oyo ezali nsima na Kondimana na Kala, na kati na oyo ya Sika) azali koyebisa na moto oyo azalaki na ezaleli ya bosoto mpe mbindo mingi kati na bato na lolenge ete azalaki kobika ná mwasi ya tata na ye moko. Alobaki: “Likambo ya lolenge wana na kati na Nzoto ya Klisto . . . Bino, Lingomba, bókaba ye na zabolo mpo na kobebisama . . .” Bomoni? Nzambe apesaka nzela na . . . Mpe ntango Azali na likambo oyo Alingi komóna yango kosalema, kobeta moto fimbo, Akotindela ye molimo mabe moko mpo étungisa moto yango mpe—mpe ézongisa ye na nzela. Sikawa, tomoni ete mobali yango, nsima na . . .

¹⁰² Yango nde likambo na mangomba lelo. Ntango moto akoti na Nzoto ya Klisto mpe akómi moko na binama yango mpe abandi kotambola mabe, na esika ete bóyangana bino nyonso mpe bósala mpenza ndenge moko . . . Mpe bino, Branham Tabernacle, bósalaka bongo. Mpamba te, ntango nyonso oyo bozali kotika ye bongo, azali na nsé ya Makila. Mpe akokóba kosala likambo moko wana ya kala mbala na mbala na mbala, ntango nyonso. Bókutana elongo mpe bókaba ye na zabolo mpo na kobébisama ya nzoto, ete molimo na ye é—lokola—ékoka kobikisama na

mokolo ya Nkolo. Mpe bótala ndenge fimbo ya Nzambe ekobanda kosala. Bótala ndenge zabolo akosimba ye. Ezali molimo moko mabe nde ekokanga ye.

¹⁰³ Mpe elenge mobali oyo asembolamaki. Azongaki na nzela. Tomoni na Bakolinti ya Mibale ete abongisaki mpenza bomoi na ye liboso na Nzambe.

¹⁰⁴ Bótala Yobo, moto abongi be, moyengebene. Kasi Nzambe apesaki molimo mabe nzela ya koya kosimba ye, mpe kobeta ye, mpe nyonso mosusu wana, mpo na kobonga be ya molimo na ye. Bomoni? Boye, milimo mabe ezalaka na . . . Mbala mingi, Nzambe asalelaka milimo mabe mpo na kokokisa mwango na Ye mpe mokano na Ye.

95. Sikoyo, mosusu yango oyo, ezali mpenza nzúbe. Motuna (nabanzi ete ezali kaka moto yango moko, mpo emonani lokola ekomámi ndenge moko): **Soko moto asengeli kozala na Molimo Mosanto mpo na kozala—kozala na Molimo Mosanto mpo na kobongwana mpe kokende na konétolama, ekozala boni mpo na bana oyo bakúfá liboso na mibu ya koyeba malamú ná mabe? Mpe bakosekwa ntango nini?**

¹⁰⁵ Sikoyo, ndeko na ngai mobali, ndeko mwasi, nakoki koyebisa yo yango te. Ezali na Likomi moko te mpo na yango na Biblia na ndenge nakoki komona. Kasi nakoki koloba makanisi na ngai. Sikawa, oyo ekolendisá bino baoyo bondimelaka ngolu ya Nzambe. Bomoni, moto yango azali na mposa ya koyeba (ezali mpenza motuna ya malamú mingi. Bomoni?) moto yango alingi koyeba eloko nini lisekwa—eloko nini ekokómela mwana moke, ete soki asengeli kozala na Molimo Mosanto mpo na kokende na Konétolama. . . Lokola nauti koloba, ezali solo. Elongobani na Biblia. Oyo wana ezali malakisi ya Makomi. Ezali te—ezali te mpo na kokende na Lola. . . Mpamba te bato oyo batondisami na Molimo Mosanto bakozala na lisekwa ya liboso, Baponami. Mpe baoyo batikalaki. . . Bakúfi oyo batikalaki bazalaki na bomoi te mpo na mibu nkóto. Nsima na Millenium, nde lisekwa ya mibale, kosambisama ya Ngbende monene ya Mpembe. Bomoni? Yango mpenza nde molongo ya Biblia. Kasi moto oyo azali na mposa ya koyeba likambo oyo ekokómela bana mike oyo. Bango. . . Na elobeli mosusu, bazalaki na Molimo Mosanto liboso bábotama? Bazuaki Yango? Sikoyo, oyo wana nakoki koyebisa bino te.

¹⁰⁶ Kasi sikoyo, tóloba boye: Toyebi ete bana mike oyo bakufaka, etali te oyo baboti na bango bazali, bango babikisami. Sikawa, natelemelaka eteyelo ya basakoli na ntina na likambo wana. Bango balobaki ete, soki ezalaki—akufaki na moboti ya mosumuki, mwana wana akokende na lifelo, akopola; ekosila nye mpo na ye. Ee, Yesu. . . Yoane alobaki ntango Yesu ayaki: “Tala Mwana-mpate ya Nzambe, oyo azali kolongola lisumu ya mokili.” Mpe soki mwana yango azalaki moto, oyo asengelaki koleka na kosambisama ya Nzambe, kasi Yesu akufaki mpo

na kolongola lisumu, lisumu nyonso elongolamaki liboso na Nzambe ntango Yesu akufaki na ntina wana. Masumu na yo elimbisamaki. Masumu na ngai elimbisamaki. Mpe nzela bobele moko oyo okoki kolimbisama, ezali, koyamba bolimbisi na Ye. Sikawa, bebe akoki kondima bolimbisi na ye te, boye, asali likambo moko te. Asali ata likambo moko te. Boye, azali mpenza na bonsomi ya kokende na Lola.

¹⁰⁷ Kasi okoloba: “Bakokende na Konétolama?” Sikawa—sikawa, oyo ezali maloba na ngai moko; oyo ezali likanisi na ngai sikoyo. Ezali te . . . Nakoki kotalisa yango na Biblia te. Kasi bótala. Soko Nzambe, liboso na kozalisama ya mokili, ayebaki moto moko na moko oyo akozala na mabelé . . . Bondimi yango? Ayebaki nzinzi moko na moko, nsili moko na moko, ngungi moko na moko, Ayebaki biloko nyonso oyo ekokaki kokozala na mokili. Soki Ayebaki yango . . .

¹⁰⁸ Bótala. Ndakisa, tózua Mose. Ntango Mose abotamaki, azalaki mosakoli. Liboso Yilimiya . . . Nzambe alobaki na Yilimiya: “Liboso ósalema na libumu ya mama na yo, liboso ótikala kosalema na libumu na ye, Ngai nayebaki yo, nabulisaki yo, mpe natiaki yo mosakoli mpo na mabota.” Yoane Mobatisi, mbula nkama nsambo na zomi na mibale liboso ábotama, Yisaya amónáki ye na emononeli, alobaki: “Azali mongongo na ye oyo azali koganga kati na lisobe.”

¹⁰⁹ Kobongisama liboso to boyebi liboso ya Nzambe eyebi nyonso na ntina na bana mike (bomoni?), oyo basengelaki kosala. Mpe Ayebaki ete bakokufa. Ayebaki. Likambo moko te ekoki kosalema kozanga ete Nzambe áyeba yango. Likambo moko te ekoki kosálema . . . Lokola Mobateli Malamu, ndenge Akotaka na . . . Sikawa, mpo na kozua likambo oyo na Likomi, nakokaki koloba te ete Likomi elobi *boye ná boye*. Nazali kaka koloba kokokana na likanisi na ngai.

96. Sikawa, motuna oyo elandi, nakanisi euti, ntango mosusu, na oyo nalobaki na mpokwa mosusu. **Límbola likambo oyo, mwasi akobikisama na nzela na kobota bana.**

¹¹⁰ Mwasi abikisamaka te na nzela na kobota bana. Kasi tózua sikoyo Timote ya Liboso 2:8 mwa moke. Mpe tótala oyo Biblia elobi mpo na mwana. Sikawa, nayebi ete ezali malakisi ya Bakatoliko, mpo Bakatoliko balobaka ete mwasi abikisamaka na nzela na kobota bana, na nzela na kobota mwana. Kasi tika te ete . . . Nandimaka yango te. Timote ya Liboso mokapo ya 2, tóbanda na molongo ya 8, mpe tótanga mwa moke sikoyo. Malamu, bóyoka.

Nalingi mpe ete basi na bino, bábongisaka nzoto na bango na lolenge ya bopolo . . . (Tosengelaki kotuna yango te, boye te? Bóyoka oyo.) . . . na bopolo . . . (Whew!) . . . mpe na makanisi malamú; na kokangakanga nsuki te, na wólo te, mayaka te, bilamba

ya motuya makasi te; (Bandeke, awa, nazali kosunga bino, nazolikia. Bikoti ya sika nyonso wana mokolo na mokolo to nsima na mikolo misato. Bomoni? Yango elongobani na Baklisto te.)

Kasi (lokola elóngobani na basi oyo balobaka ete basámbelaka) ná misala malamú.

Tika ete basi na bino báfanda kimia wana bazali koyekola na botosi nyonso.

Napesi nzela te ete mwasi áteya, to ázala na bokonzi likoló ya . . .mobali, kasi áfanda . . .kimia.

Mpo Adama asalemaki liboso, mpe Eva na nsima.

. . .Adama azimbisamaki te, kasi mwasi azimbisamaki mpe abukaki mobeko.

Ata bongo, mwasi akobikisama na nzela na kobota bana, soko . . . (Sikawa, azali koloba na mwasi ya mokili te, kobota bana.) . . .soko akangami na kondima . . . (Bomoni? Soki akangami. Asili ko . . .Azali koloba mpo na mwasi wana, mwasi oyo asili kobikisama. Bomoni?) . . .na bolingo mpe na bosanto elongo na makanisi malamú.

¹¹¹ Kobota bana nde ebikisaka mwasi te, kasi ezali mpo azali kobokolo bana, kosaláká oyo esengeli na ye kosala, ezali te na kobokoláká ba-nyau, ba-mbwa, mpe bongo na bongo, na esika ya mwana, ndenge bakómi kosala lelo, kopesáká bolingo ya mama na yango mpo ye ákoka kobima mpe koyenga-yenga butu mobimba. Bato mosusu basalaka yango. Bólimbisi, kasi basalaka yango. Maloba oyo nalobi ezali mpenza makasi, kasi solo ezali solo. Bomoni? Balingi kobota bana te, mpo báfandaka kaka na ndaka na mwana yango. Kasi na nzela na kobota bana, soki akangami na kondima, na bosanto, mpe na makanisi malamú mpenza, akobikisama. Kasi *soki*, elingi koloba, okobikisama mpe, *soki* obotami mbala mibale. Oko, okoki kobikisama na nzoto, *soki* ondimi. Okoki kozua Molimo Mosanto *soki* ondimi Yango, míléngálá mpo na Yango, *soki* obelemi mpo na kozua Yango. Mpe akobikisama soki akóbi kosala makambo oyo (bomoni?), kasi ezali te mpo azali mwasi. Boye, ezali solo, ndeko mobali, ndeko mwasi. Ezali ata moke te malakisi ya Bakatoliko. Sikoyo, nalingi . . .Motuna mosusu yango oyo, ya nzube mpenza. Na nsima, tozali na moko mosusu. Nakanisi ete, ntango mosusu, tokozala na ntango mpo na yango. Nasili kozua ntango na biso nyonso. Sikoyo, oyo ezali kaka—oyo ezali kaka makambo oyo elandaka kolamukisa. Oyo ezali kaka makambo oyo elandaka mayangani, mituna oyo.

97. Sikawa: **Ndeko Branham** (bakomi yango na masíni), **ezali Likomi ete moto áloba minoko na sika mpe álimbola maloba na ye moko? Soko bongo, nasengi ete ólimbola. Bakolinti ya Liboso to Bakolinti 14:19 na Bakolinti 14:27.**

¹¹² Malamu, tózua Likomi yango mpe tótala oyo yango elobi. Na bongo tokotala soki tozali kotosa Likomi yango. Tolingaka ntango nyonso kolóngobana na Makomi. Bakolinti 14. Sikoyo, moto yango alingi koyeba soki elongobani na Likomi ete moto álimbola maloba na ye moko oyo alobi na minoko na sika. “Soki bongo, límbola Bakolinti 14:19.” Tótala, 14 ná 19. Malamu, yango oyo.

Kasi, na mangomba na . . . nakosepela koloba maloba mitano na lisoli na ngai, mpo nákoka kolakisa mpe bamosusu na mongongo na ngai, na esika ya maloba nkóta zomi . . . na . . . nkóta oyo eyebani te.

Sikawa, oyo elandi ezali molongo ya 27, balingi koyeba.

Soki moto alobi na lokóta oyo eyebani te, ésuka na bato mibale, to . . . misato kaka, mpe moto na moto na ngala na ye; mpe moto moko álimbola.

¹¹³ Sikawa, nakokamata eloko oyo moto yango alingi koloba (oyo nalingi—nakotángela bino likambo moko kaka na ngonga moke). Kasi nakanisi ete oyo ndeko mobali to ndeko mwasi alingi koloba ezali: “Ezali malamu ete moto oyo azali koloba minoko na sika álimbola mpe maloba oyo ye alobaki?” Sikawa, molingami moninga na ngai ya bolingo, soki okolinga kotángá molongo ya 13 ya mokapo yango, ekoloba na yo boye:

Yango wana, ye oyo azali koloba na lokóta oyo eyebani te ábondela mpo ákoka kolimbola yango.

¹¹⁴ Ya solo. Akoki kolimbola maloba na ye moko. Sikawa, soki kaka to . . . Tika kaka . . . Malamu, bino . . . Bótángá mobimba na yango awa, bokomona ete Ezali . . . Bótángá mokapo yango mobimba. Eliboli yango malamau mpenza.

¹¹⁵ Sikawa, koloba minoko na sika . . . Sikawa, wana tozali kolobela likambo yango, mpe yango ezali kotiamana na bande, nalingi koloba ete nandimaka mpenza koloba minoko na sika ndenge nandimaka lobiko na nzoto uta na Nzambe, mpe libatansi ya Molimo Mosanto, Boyei ya mibale ya Klisto, mpe nguya ya ekeke oyo ekoya; nandimelaka yango kaka mpenza ndenge nandimaka, kasi nandimaka ete minoko na sika ezalaka na esika na yango, kaka lokola boyei ya Klisto ezali na esika na yango; lobiko na nzoto uta na Nzambe ezali na esika na yango; eloko nyonso ezali na esika na yango.

¹¹⁶ Sikawa, mpo na bino, nazui libaku malamau ya koloba likambo oyo sikoyo, mpe nakosepela kolimbola yango. Mpe soki nasali moto moko mpasi, nakani yango te. Nazali na mposa ya kokótisa mobulu te. Kasi bóyoka. Oyo ezalaki likambo ná koloba minoko ya sika epai ya ba Pantekotiste (ngai moko mpe; nazali Pantekotiste. Bomoni?). . . Sikoyo, oyo ezalaki mokakatano ezali oyo: bamemiaka yango te. Mpe eloko mosusu, batikaka yango ékende bongo-bongo. Bazóngaka na Liloba te.

¹¹⁷ Sikawa bóyoka. Bótala lolenge oyo—bótika—bótala lolenge oyo lingomba etiámá na molongo. Sikawa, na lingomba Pantekotiste, soki nazalaki mobateli ya lingomba yango, nakoyebisa bino lolenge oyo nalingaki kotia yango na molongo (bomoni?), soki nazalaki—nalingaki kozala awa ntango nyonso lokola mobateli na yango. Nalingaki kondima makabo nyonso oyo ezali na Biblia. Koyebisa bandimi ete basengeli liboso kobatisama na Molimo Mosanto. Na nsima, makabo nyonso ya Bakolinti ya Liboso 12 esengelaki kosala na kati ya lingomba na ngai, soki nakokaki kozala na yango kuna, nzoto mobimba ézala na mosala.

¹¹⁸ Sikoyo, soki botali malamumu. . . Ezali mpo na kopámela te, sikoyo. Mpe bómikanisela, nakotelemela yango na liloba moko te—ékoki kosalema ete nátúka Molimo Mosanto. Mpe Nzambe ayebe ete nakoloba mabe wana te. Bomoni? Kasi nazali koloba likambo oyo kaka mpo na komeka kopesa bino oyo Likomi elobi mpenza, nsima na ngai koyekola yango pene na mibu ntuku mibale. Esali pene na mibu ntuku misato uta nabandá koteya. Mpe nauti koleka na makambo ebele, oyo nabimi kati na yango; bokoki kokanisa oyo yango ezalaki. Mpe kotala bato nyonso, ná malakisi na bango, na mokili mobimba. Mpe nakamata yango mpo ezali likambo nalandelaka. Ezali malamumu mpo na bato, kaka mpo na ngai te. Nakosengela kotika mokili oyo. Bokosengela kotika mokili oyo. Mpe soki nakei lokola mosakoli ya lokuta, nakobungisa elimo na ngai ná ya bino elongo ná ngai. Boye, eleki—eleki lípa ya mokolo na mokolo; eleki lokumu; eleki eloko nyonso mosusu; ezali Bomoi mpo na ngai. Bomoni? Mpe nalingaka ntango nyonso kozala na bosembo ya bozindó koleka.

¹¹⁹ Sikawa, soki okei na losambo ya ba-Pantekotiste, eloko ya liboso. . . (nalobi bango nyonso te. Bamosusu kati na bango bazali. . .) Mbala mingi, soki okoti na losambo moko mpe obandi koteya; wana ozali koteya, moto moko akotelema mpe akoloba minoko na sika. Sikawa, moto ya motuya wana akoki kazala atondisami mpenza na Molimo Mosanto, mpe ekoki kozala Molimo Mosanto koloba na nzela na moto yango, kasi likambo ezali ete, bayekolisami te. Soki lotomo oyo ezali na eteyelo ezali koloba na nsé ya mpemela, molimo ya basakoli etosaka mosakoli. Bomoni? “Tika ete nyonso ésalema. . .” Sikoyo, bózua Polo, mpo na nini alobi ete “ntango moko azali koloba,” mpe bongo na bongo. . . “ntango akómaki kuna, mobulu ezalaki makasi.”

¹²⁰ Sikawa, soki nazali kobenga bato na etumbelo, mpe moto moko atelema mpe alobi minoko na sika. Ezali. . . Boye, ekozala malamumu ótika kobenga bato na etumbelo. Ekátaka yango. Bomoni?

¹²¹ Na nsima, likambo mosusu. Mbala mingi bato batélemaka mpe balobaka minoko na sika, mpe bato bafandi na bango mpe bazali kotáfuna bazoká, kotala-tala zinga-zinga. Soko Nzambe azali koloba, bófanda kimia, bóyoka! Soko ezali Solo, soko ezali

Molimo Mosanto koloba kati na moto yango, bófanda kimia mpe bóyoka, bózala na limemia. Ndimbola ekoki koya epai na yo. Bomoni? Fándá kimia; yóka mpo na kozela ndimbola. Sikawa, soko molimboli azali te na kati ya losambo, na bongo basengeli kofanda kimia na kati ya Nzoto.

¹²² Na nsima, ntango balobi na lokóta oyo eyebani te, Biblia elobá, tika ete bámilobela bango moko, bango ná Nzambe. Moto oyo alobi na lokóta oyo eyebani te amilendisi ye moko. Sikawa, oyo wana ezali mpo na nkóta oyo eyebani te; minoko ya mboka, nkóta, ezali eloko mosusu. “Bazali mpamba,” alobi. . . Kasi oyo ebimisaka lokito ezali na ndimbola. Kasi bino. . . Soko kelelo eyuli, bosengeli koyeba eloko nini koyula yango elobi (. . . soko bafúli yango) soko te bokoyeba te lolenge ya komilengela na etumba. Soko moto alobi minoko na sika, kasi azali kaka koloba “toot”; mpe esuki wana, nani akoyeba eloko ya kosala. Kasi soko ebandi na *kolamuka*, yango elingi koloba “bótelema!” Soko eyuli *koboma mında*, yango elingi koloba “bólala.” Bomoni? Soko eyuli *kobeta masasi*, yango elingi koloba “béta masasi.” Esengeli kopesa ndimbola moko, kaka koloba mpamba te. Boye na kati ya losambo, soki molimboli azali te, kasi soki molimboli azali, na bongo minoko na sika ezali na esika na yango na kati ya losambo.

¹²³ Sikawa, mpo na motuna na yo, moninga na ngai, oyo elobi: “Malamu náloba maloba nkóto mitano. . . maloba mitano, mpe bato bákoka kosósola ngai na esika ya maloba nkóto mitano (to ata elobi maloba boni) na lokóta oyo eyebani te.” Ya solo. Kasi koba kotánga: “. . . bobele soki epésami na emoniseli to na ndimbola mpo na koléndisama.” Bomoni? Mpo na koléndisa.

¹²⁴ Sikawa, nakomeka kopesa bino likanisi moke, bongo soki—eloko nini. . . Soki nazalaki mobateli ya losambo oyo ekoya, soki Nzambe abengi ngai mpo názala mobateli na yango, tala ndenge oyo nalingaki kokamba yango: Nakomeka kozua moto nyonso kuna oyo azali na likabo. Mpe nakosala ete bato yango bákutana pene na ngonga moko liboso losambo ébanda, na eteni ya ndako, bango moko. Báfanda na nsé ya Molimo. Na mbala moko, moto moko ayei wana, azali na likabo ya koloba minoko na sika. Mpe alobi na minoko ya sika. Bato nyonso bafandi kimia. Na nsima, moko atele mi mpe alimboli oyo ye alobi. Sikawa, liboso épésama na lingomba, Biblia elobi ete esengeli kosambisama na batatoli mibale to misato. Sikawa, ezali bato oyo bazali na lisosoli ya molimo (bomoni?), mpo mbala mingi, nguya mabe ekotaka na kati na yango. (Bomoni?) Paulo alobelaki yango. Kasi boye, nguya na Nzambe ezali na kati kuna mpe. Bóyebisa ngai eyanganelo moko epai mabe ekotaka te. Bóyebisa ngai epai nini bana na Nzambe basangani elongo mpe Satana azali te na kati na bango. Ezali na nyonso. Boye, bósilika na likambo yango te. Bomoni? Satana azali bisika nyonso. Sikawa, yango mpenza. Moto moko alobi minoko na sika. Sikoyo, bato misato bazali wana, baoyo bazali na Molimo ya lisosoli. Moko alobi minoko

na sika mpe apesi nsango moko. Sikawa, ekoki kozala bozóngeli ya Makomi te, mpo Nzambe azongelaka maloba mpamba te, mpe Ayebisaki biso ete tósalaka yango te. Bomoni? Boye, ezali yango te. Ezali nsango mpo na lingomba.

¹²⁵ Tosili kozua makambo mibale na kolamuka oyo, kino sikoyo. Bótala oyo moko na moko na yango ezalaki—malamu be, alimá mpenza. Bomoni? Ebandi kosala. Moto moko atelemaki, mpe alobaki na minoko na sika, mpe apesaki ndimbola, mbala moko, mpe etatolaki nsango oyo eutaki kopesama. Mosusu atelemaki na mpokwa mosusu, mpe alobaki na kati ya—na nsé ya mpémela ya lisakoli, mpe alobaki likambo moko, kozanga koyeba likambo oyo ye azalaki koloba; bongo na nsuka alobaki polele: “Esengo na ye oyo ayei na Nkombo ya Nkolo.” Noki-noki, eloko moko esimbaki ngai mbala moko mpe elobaki: “Na elobeli mosusu, esengo na ye oyo andimi ete oyo ezali Nkolo ayei.”

¹²⁶ Bomoni ndimb—bongo Molimo Mosanto ekitaki na ndako-a-nzambe lobi na mpokwa. Bomoni? Oyo wana ezali mpo na kolendisama. Nazalaki wana komeka koyebisa bato ete basengeli kozua Molimo Mosanto. Mpe zaboló ayaki kokotela bato, koloba: “Bóyoka te; bófanda kimia.”

Ndeko na ngai ya mwasi alobaki: “Bill, nazalaki na esengo monene ntango ozalaki koteya; nayokaki lokola nakokaki kotelema, kopumbwa mpe koleka na etútú.”

Nalobaki: “Télema mpe pumbwá.” Esili.

Mpe alobaki: “Kasi ntango obandaki kosala yango,” mpe alobaki, “bato babandaki kogánga,” alobaki, “na bongo namiyokaki lokola nazalaki eloko moko ya mpamba.”

¹²⁷ Nalobaki: “Ezali zaboló. Ezali Satana. Ntango ayaki kosala bongo,” nalobaki, “osengelaki kotelema ata bongo.” Tozali banganga-nzambe mpo na Nzambe, topésaka mbeka ya molimo—mbeka, mbuma ya bibebu na biso kopésaká masanzoli na Nkombo na Ye. Bomoni?

¹²⁸ Sikawa, sikawa, bótala likambo oyo esálemaki. Na nsima Molimo Mosanto akotaki, mpo wana ezalaki kaka . . . “Esengo na ye oyo andimi.” Mpokwa mibale to misato elandanaki, namekaki kotalisa yango polele wana; na nsima, Molimo Mosanto asololaki mpe alobaki (na nsé ya mpemela) ete: “Esengo na ye oyo ayei na Nkombo ya Nkolo.” Mpe liboso náloba eloko moko, nazongelaki koloba yango. “Esengo na ye oyo andimi ete Nkolo ayei na likambo oyo.” Bomoni? Mpe nazalaki kaka koloba likambo oyo, Molimo Mosanto azali Nzambe Ye moko kati na bino. Bomoni? Mpe basosolaki yango. Bomoni? Na nsima, Molimo Mosanto akitaki katikati na bato. Bomoni boni E—Elendisaka, lisakoli?

¹²⁹ Sikoyo, bokeseni ezali katikati na lisakoli ná mosakoli. Lisakoli ekendeke longwa na moto moko kino na mosusu, kasi mosakoli abotamaka mosakoli utá na mbotámá. Bazalaka na YANGO ELOBI NKOLO! Basambisaka bango te. Bomonaka

bango te kotelema liboso na Yisaya, to Yilimiya, moko na basakoli wana, mpo bazalaki na YANGO ELOBI NKOLO! Kasi molimo ya lisakoli katikati na bato; bosengeli kotala-tala yango, mpo Satana amikotisaka na kati kuna. Bomoni? Sikoyo. Kasi yango esengeli kosambisama.

¹³⁰ Sikawa, toko—tokozala na kolamuka. Sikawa, bótala yango malamumu mpenza sikoyo, bino batei. Tozali kobongisa kolamuka. Malamumu. To, ntango mosusu tokozala kaka na liyangani ya losambo bo momesano. Losambo ezali kopela móto. Esengelaki kozala bongo ntango nyonso. Malamumu, ntango mosusu tozali na bato mitano to motoba oyo bazali na makabo; moko alobaka minoko na sika, ntango mosusu mibale to misato balobaka minoko na sika, minei to mitano balobaka minoko na sika, bazali na likabo ya minoko na sika, balobaka nkóta oyo eyebani te. Mibale to misato kati na bango bakoki kolimbola. Ntango mosusu ezali na moko—mibale, to misato na bango, baoyo bazali na likabo ya bwanya. Malamumu. Bango nyonso basangani, bato oyo bazali na makabo. . . Bino. . . Makabo yango epesameli bino mpo bósakana na yango te, mpo na koloba te: “Nkembo na Nzambe, nalobaka minoko na sika! Aleluya!” Boko—bozali—bozali komiyokisa nsoni. Epesameli bino mpo na kosala na yango mosala. Mpe eteni na bino na kati ya losambo esengelaki kosalema liboso losambo ébanda, mpamba te baye bayebi makambo te bakozala katikati na biso.

¹³¹ Na bongo, bokokota na eteni ya ndako, mpe bokofanda kuna, bino nionso elongo, mpo bozali basali elongo kati na Nsango-malamumu. Na bongo, bofandi kuna. “Nkolo, ezali na eloko moko oyo Olingi biso tóyeba na mpokwa oyo? Lobá na biso, E Tata na Likolo,” kopesáká mabondeli, malómbo; koyémba bantzembo. Na mbala moko, Molimo akiti likoló na moto moko, alobi minoko na sika. Moto moko ateleme mpe alobi: “YANGO ELOBI NKOLO.” Ezali nini? Bóyoka. “Bókende koyebisa Ndeko Jones ete álongwa na esika oyo azali kofanda, mpo lobi nsima ya nzángá, ekúmbaki ekobéta etúka wana; mpe ekomema ndako na ye. Ázua biloko na ye mpe álongwa wana!”

¹³² Sikawa, e—eyokani malamumu. Kasi bózela moke. Bato misato basengeli kozala wana, baoyo bazali na Molimo ya lisosoli. Moko na bango alobi: “Euti na Nkolo.” Mosusu alobi: “Euti na Nkolo.” Oyo wana ezali bato mibale esóngó ná misato—batatoli mibale to misato. Malamumu. Bakomi yango na mwa eteni ya lokasa. Yango nde likambo oyo Molimo alobaki. Malamumu. Bazongi kobondela, kotóndáká Nkolo.

¹³³ Nsima na mwa ntango: “YANGO ELOBI NKOLO (mosakoli moko ateleme) YANGO ELOBI NKOLO, na mpokwa oyo, mwasi moko akouta na New York City; azali likoló na ememele ya babeli; akokota na ndako—a-nzambe likoló ya ememele ya babeli. Azali na litambala ya mai ya pondú zinga zinga na motó. Azali kobunda na liwa ya cancer. Eloko esali ete ázala bongo,

Nkolo atangeli ye yango: mokolo moko ayibaki mbongo ya Lingomba na Ye, ntango azalaki na mibu zomi na motoba. Yebisa Ndeko Branham ete áyebisa ye makambo yango. YANGO ELOBI NKOLO, soki abongisi likambo wana, akobika.” Bózela mwa moke. Eyokani malamú mpenza, kasi bózela naino. Okokoma nkombo na yo na lokasa oyo, yo moto osósoli? Okolinga kokoma nkombo na yo?

¹³⁴ “Euti na Nkolo.” Mosusu alobi: “Euti na Nkolo.” Na bongo—na bongo bokomi yango: “YANGO ELOBI NKOLO, na mpokwa ya lelo, mwasi moko akoya, likambo *boye* na *boye*.” Oyo azali na molimo ya lisosoli, bato mibale to misato kati na bango bakomi nkombo na bango na likambo yango. Ba-nsango nyonso esili kopesama. Malamú.

¹³⁵ Na bongo, nsima na mwa ntango, babandi koyoka ngonga kobeta. Losambo ebandi. Na bongo, bamemi ba-nsango yango, batii yango awa, likoló na eteyelo. Awa mpenza nde epai wapi esengeli kotiama. Nazali mosika na esika moko boye koyekoláká, kobondeláká. Nsima na mwa ntango, nabimi nsima na banzembo koyembama. Losambo ezali mobimba na molongo, bato bazali koya, kofanda, komanyoala, kobondela; yango nde bosengeli kosala. Ezali te koya na losambo mpe kosolola bamoko na bamosusu, koya na losambo nde mpo na kosolola na Nzambe. Bókutana mpo na kosolola kuna libanda. Bomoni? Sikawa, tozali kokutana mpe kosolola ná Nzambe. Mpe toyáka awa, tolobaka, nyonso na kimia, na limemia, Molimo azali kosala. Mobeti piano akoya na piano pene na minúti mitano liboso banzembo ébanda, akobanda kobeta malembe mpenza:

Na ekulusu, esika Mobikisi na ngai akufaki,
Kuna, mpo na bolimbisi ya masumu, nalelaki;

To loyembo moko ya elengi kitoko, na kimia mpenza. Ememaka Bozali ya Molimo Mosanto na kati ya liyangani. Bomoni? Malamú.

¹³⁶ Bato bafandi wana. Bamosusu kati na bango bazali mpenza—babandi kolela mpe kopusana na etumbelo, kobongola motema liboso kútu losambo ébanda. Molimo Mosanto ezali kuna. Bomoni? Lingomba ekómi na mpasi ya kobota. Baklisto bazali kobondela; bazali na bisika na bango. Bafandi wana te kotáfúnáká-tafúnáká bazoka, wana, kolobáka: “Hey, Lyddie, pesa ngai mwa rouge a levre na yo; nazali na mposa. . . Oyebi. Oyebi. Nasengeli. . . Oyebi, mokolo wana ntango Nakendeki zándó kuna, nayebisi yo, etikalaki moke nániata yo na misapi ya lokolo. Natikálá mpenza komona. . . Ozokanisa nini mpo na yango?” Oh, mawa! Mpe bozobenga yango ndako ya Nzambe. Ee, ezali nsoni. Nzoto ya Klisto koya esika moko. Tokómi nde wana.

Mobali oyo afandi pembeni alobi: “Tala, oyebi, ntango tokendeki kuna, likambo *boye-na-boye* mpe *boye-na-boye*. . .”

Wana ezali na yango mabe te, kuna na libanda, kasi awa na kati, ezali ndako na Nzambe.

¹³⁷ Bókota awa na molimo ya libondeli; bózua bisika na bino. Sikoyo, nazali koloba, na mangomba na bino te, bandeko. Nayebi te oyo bino bosalaka; nazali koloba na tabernacle oyo. Nazali koloba na bato oyo ya epai na ngai moko mpenza. Bomoni? Ya solo.

¹³⁸ Sikawa, ntango bokoti na lolenge wana, boye eloko ya liboso bokomona, mobateli abimi wana. Azali na mpio nyonso. Azali na ntina te ya koyanola likambo *oyo, oyo wana ná oyo mosusu*. Auti semba mpenza na—na mamwe ya lotomo na ye. Azalaki na nsé na nguya ya Molimo Mosanto. Akoti mpenza na esika oyo ndémo ya móto mingi koleka eyangani elongo. Ekómi sikoyo likonzi, tóloba (bomoni?), ezali kotambola zinga-zinga. Ayei awa, azui oyo. “Nsango kouta na losambo: ‘YANGO ELOBI NKOLO, Ndeko Jones asengeli kolongwa na ndako na ye. Lobi nsima ya nzanga, na ngonga ya mibale, ekumbaki ekobeta mabele na ye. Ázua biloko na ye mpe álongwa.’” Ndeko Jones asósoli. Malamu. Bakomi yango mpo na koyeba. “YANGO ELOBI NKOLO, mwasi moko, na nkombo *Songolo*, akoya awa na mpokwa ya lelo, mpe ezalaki—asalaki likambo *boye-na-boye*.” (Lokola ndenge nauti koloba, bomoni, ndenge wana.) Malamu, tyango etiyami kuna. Ezali bongo. Sikawa, bango nyonso bafandi na bisika na bango na kati ya losambo. Malamu.

¹³⁹ Na nsima, akamati liteya. Mpe eloko ya liboso, abandi koteya. Eloko moko te esengeli kokata ye; nyonso esilaki kosalema. Sikoyo, tozali kokende liboso, totei liteya.

¹⁴⁰ Mpe nsima na mwa ngonga, ntango e. . . Eloko ya liboso, ntango liteya esili, molongo ya mabondeli ebandi. Tala mwasi moko ayei. Moto moko alobaki minoko na sika mpe alobaki ete akoya. Bomoni? Moko na moko na biso ayebi eloko nini ekosalema. Moko na moko na biso ayebi yango. Bomoni ndenge oyo kondima ebandi kokóla, ná ndémo ya móto eteleme likoló na bino sikoyo. Ebandi kobakisama elongo. Boye, ezali mosala oyo esili; esili nye.

Mwasi yango. . . Nakoloba: “Mme. *Songolo*, ya New York City, oyo afandi awa. . .” Bomoni?

“Oh, ya solo. Oyebaki yango ndenge nini?”

“Ezali nsango kouta na Nkolo mpo na lingomba. Ntango ozalaki na mibu zomi na motoba, ozalaki te na esika *songolo* mpe osalaki—ozuaki mbongo ya lingomba, oyibaki yango, mpe okendeki kosómbe bilamba ya sika, na mbongo yango?”

“Oh, ya solo. Ezali ya solo.”

“Yango mpenza nde likambo oyo Nzambe ayebisi biso na mpokwa oyo, na nzela ya Ndeko *Songolo*, oyo alobaki minoko na

sika; Ndeko *Songolo* alimbolaki; Ndeko *Pakala* oyo nde alobaki, na nzela na lisosoli, alobaki ete euti na Nkolo. Mpe ezali solo.”

“Iyo!”

“Na bongo, YANGO ELOBI NKOLO, kende kobongisa likambo yango, mpe okobika na cancer na yo.”

¹⁴¹ Ndeko Jones azongi na ndako na ye, azui mituka, azongi nsima, akotisi biloko na ye ya ndako, mpe alongwi kuna. Na ngonga ya mibale lobi nsima ya nzánga: Tshuaooo! biloko nyonso epanzani. Bomoni? Na bongo, lingomba epesi nkembo. . . “Matondi, Nkolo Yesu, mpo na bolamu na Yo.” Sikoyo, nde oyo yango ezali, mpo na koléndisa, mpo na lingomba.

¹⁴² Sikawa, bongo soki esalemi te nsima na bango koloba yango? Boye bozali na molimo mabe katikati na bino. Bozali na mposa ya eloko mabe wana te. Mpo na nini bokozala na mposa ya eloko moko ya mabe, na ntango oyo ma—mapatá matondi na bosolo ya Pantekote? Kozua eloko mosusu ya kala te oyo euti na zabolo. Zua eloko moko ya solosolo. Nzambe azali na yango mpo na yo. Na bongo, bósala lisusu mayangani te, mpe bótia lisusu lokasa moko awa te, kino Nzambe akondimisa ete bozali solo, mpamba te bozali lisungi mpo na lingomba, na kati ya mosala ya Nsango-malamu. Sikoyo, bososoli oyo yango ezali?

¹⁴³ Mpe minoko, minoko oyo eyebani te. . . Moto moko te a—ayebi likambo oyo ye azali koloba. Azali koloba; kasi lokito nyonso ezalaka na ndimbola. Oyo ezali na ndimbola. [Ndeko Branham abeti maboko—Mok.] “Gluk, gluk, gluk!” Ezali na—ezali—ezali lokóta moko na esika moko boye.

¹⁴⁴ Ntango nazalaki na Afrika, natikálá kondima yango te, kasi lokito nyonso oyo ezalaki koyokana ezalaki ná ndimbola na yango moko boye. Biblia elobi ete ezali na lokito moko te oyo ezangi ntina, oyo ezangi ndimbola. Lokito nyonso oyo eyokanaka ezali na ndimbola moko boye na eloko moko. Ee, nakokaki koyoka bato koloba. . . Nakokaki koloba: “Yesu Klisto, Mwana na Nzambe.”

¹⁴⁵ Moko na bango akokaki koloba [Ndeko Branham amekoli lokito ya molimboli moko ya Afrika—Mok.]. Mosusu akokaki koloba [Ndeko Branham apesi ndakisa mosusu.]. Mpe yango ezalaki: “Yesu Klisto, Mwana na Nzambe.” Bomoni? Ezalaki na. . . Ezalaki na ndimbola moko te mpo na ngai, kasi mpo na bango, ezalaki lokóta, kaka lokola nazali koloba na bino. Ntango molimboli ya Zulu, ya Xhosa, ya Sotho, mpe minoko mosusu, bayaki elongo, nyonso oyo elobamaki, moto nyonso asosolaki. Mpe makambo oyo boyokaka bato koloba-loba kaka, mpe bokanisaka ete ezali kaka bilobálobá, ezali bongo te; ezali na ndimbola. Boye, tosengeli komemia yango, kotia yango na esika na yango.

¹⁴⁶ Sikawa, ntango mosusu nsango moko epesamaki te. Sikoyo, liyangani esili; babandi kobénga bato na etumbelo. Na nsima

na mwa ntango, moto moko (nsango moko te epesamaki kuna) moto moko atelemi mbala moko, ntango azui libaku. Molimo Mosanto. . . Sikoyo, Biblia elobi: “Soko molimboli azali te, ákanga monoko.” Atako mposa ya koloba ezali ndenge nini, fándá kimia.

147 Okoloba: “Nakokoka te.” Biblia elobi ete okokoka. Bomoni? Boye yango e—yango ekati likambo. Bomoni? Tika ete áfanda kimia.

148 Na bongo, ntango libaku epesami, mpe makambo nyonso ezali na molongo, na nsima soki Molimo Mosanto ekiteli ye mpo na kopesa nsango yango, na bongo, pesá yango. Yango mpenza nde bosengeli kosala. Na nsima, ndimbola eyei, alobi: “Mwasi moko azali awa, nkombo na ye Sally Jones (Nabanzi ete mwasi ya nkombo wana azali awa te, kasi. . .) Sally Jones. (Bomoni?) Bóyebisa ye ete oyo ezali mpokwa ya nsuka ya kobengama na ye. Ábongisa likambo yango ná Nzambe mpo atikali na ntango moke awa.” Sikawa, Sally Jones akoya mbangu na etumbelo, na lombangu nyonso kuna mpenza (bomoni?), mpo ezali mbélá na ye ya nsuka. Bomoni? Oyo wana nde kopesa nsango, to kondimisama, to eloko moko bongo.

149 Oyo wana nde lingomba Pantekotiste kati ya mosala. Makoki epesami te mpo na milimo mabe ékota na kati, mpamba te ekómi. . . Biblia elobi polele ete: “Ésalema moto na moto na ngala na ye, mpe bázala misato; mpe bato mibale to koleka básambisa yango.” Oyo wana nde lingomba. Kasi tomemi yango wapi lelo? Kopumbwa-pumbwa, kosala bisálélá, koseka mpe nyonso wana, na ntango oyo moto moko azali koloba minoko na sika; moto mosusu azali kotala, kolobáka likambo mosusu mpe kosangana zingazinga; mokengeli azali kosala likambo moko; to bato bazali kosangana zingazinga. Malamu, oyo wana ezali malamu te. Ntango mosusu mobateli azali koteya, kasi moto moko atelemi mpe akati ye maloba na kati ya. . . Ntango mosusu azali kotánga Biblia mpe moto moko. . . Azali kotánga Biblia, mpe moto moko kuna na nsima azali koloba minoko na sika. Oh, te! Bomoni? Motei azali koteya na eteyelo, moto moko atelemi mpe akati ye maloba, kolobáka minoko na sika. Ezali mabe te. nalobi te ete ezali Molimo Mosanto te, kasi bosengelaki koyeba lolenge ya kosalela Molimo Mosanto (bomoni?), kosalela Yango.

Sikawa, na—nazali kozua. . . Bozali na esika mpo na moko lisusu? Na bongo, lobi ezali mokolo ya Lomingo. Na bongo, toko. . . Tika tó. . . Eloko mosusu yango oyo. Nakanisi ete ezali ya malamu mingi. Mpe sikawa, soki bokoki koyíkela ngai lisusu mpiko mwa moke, nasengi. Na bongo, nako. . . nalingi ete bó—nalingi ete bósimba likambo oyo. Nabómbaki oyo na ntina. Oyo nde ya nsuka nakozua.

Sikawa, liboso, nakotánga makambo mibale oyo moto yango atunaki. Ezali na ieteni ya lokasa moko ya kala, ekomami na

loboko ná ekomeli ya kitoko. Nayebi ata moke te ezalaki nani yango, nkombo moko te ekomami na—na moko na yango.

98. Ndeko Branham, ezali malamumu mpo na batei kolobelaka ntango molai likambo ya mbongo na mayangani na bango, koloba ete Nzambe ayebisi bango ete ebele ya bato, na kati ya losambo, basengeli kopesa motángo moko boye? Soki ezali malamumu, nalingi koyeba. To soki ezali mabe, nalingi koyeba. Likambo yango etungisaki ngai makasi mpenza.

¹⁵⁰ Sikawa, omoni, moninga, nakoyebisa yo, nakoyebisa yo eloko oyo ngai nakanisaka. Bomoni? Sikawa, elingi koloba te ete ezali solo. Nakanisi ete ezali nsómo.

¹⁵¹ Sikawa, nakanisaka boye. Nzambe atíndáki ngai na elanga. Na eleko moko boye, namonaki lokola nasengelaki ata . . . Mpe na—nazalaki na mbongo ata moke te. Mpe nazalaki koloba: “Bólekisa kaka sani ya makabo.”

Mpe mobongisi ya mayangani akoya epai na ngai mpe akoloba: “Tala, Billy, tozangi dollars nkóto mitano na mpokwa oyo, Ndeko. Na Jeffersonville, ozali na mbongo mpo na kofuta yango?”

¹⁵² Nalobaki: “Ezali likambo te. Nzambe atindaki ngai awa, soki te, nalingaki koya te. (Bomoni?) Bólekisa kaka sani ya makabo.”

Mpe liboso losambo ésila, moto moko alobaki: “Boyebi, Nkolo atii na motema na ngai ete nápesa dollars nkóto mitano na oyo.” Bomoni, bomoni? Liboso, kambámá mpo na kosala yango.

¹⁵³ Nandimaka te kobenda na makasi, kolómba, kosénga-senga mbongo. Nakanisi ezali likambo moko mabe. Sikawa, ndeko mbali, soki osalaka yango, tika ete násala yo mpsi te. Omoni? Ntango mosusu Nzambe a—apesi yo nzela ya kosala yango. Kasi nazali kaka koloba mpo na ngai moko. Nandimakela likambo yango te.

¹⁵⁴ Sikawa, nayebaki ata batei oyo bakendeke koloba . . . Nazalaki mpenza wana, kala mingi te . . . Sikawa, oyo ezali ba-Pantekotiste te, oyo ezali . . . Tóloba, ezali mangomba (bomoni?), mangomba mosusu. Esalemaki na likita moko ya monene na moláko. Gertie, ozalaki elongo ná ngai, mingi mosusu oyo bazali awa. Mpe bazuaki nsima ya nzánga mobimba, na denomination moko oyo eyebani mingi—mibale to misato na bango elongo (wana ezali mangomba ya momesano momesano, lokola mangomba na biso ya mikolo oyo, awa na engumba, mpe nyonso wana) na likita moko ya monene—bazuaki nsima ya nzánga mobimba, batelemaki na etumbelo—kobangisáká bato, ete Nzambe akobebisa milóná na bango, akopesa bana na bango bokono ya bukabuka, ná makambo ya ndenge wana, soko batii mbongo na losambo wana te. Ezali mpenza ya solo, ná Biblia oyo liboso na ngai. Nalobaki: “Ezali kotúka Nzambe mpe bandimi na Ye.” Soki Nzambe atindi yo, Akotalela likambo na yo. Soki

Atindi yo te, na bongo tika denomination étala likambo na yo. Kasi—kasi yo. . . Soki Nzambe atindi yo, Akotala likambo na yo.

99. Olobi nini mpo na masano ya Noéle kati na lingomba ya Molimo Mosanto?

¹⁵⁵ Malamu, soki ezali mpo na Klisto, ekoki na yango kozala malamau. Kasi soko ezali mpo na Pere Noéle, nandimelaka ye te. Na—nasilá koleka—nasilá koleka makambo wana. Nandimelaka likambo ya Pere Noéle ata moke te. Bomoni? Ná makambo mike—mike ya Noéle oyo basalaka, namonaka yango makambo ya mpamba. Mpe. . . Kasi nakanisi ete babimisá Klisto mobimba libanda ya Noéle mpe bakótísá Pere Noéle kati na yango.

¹⁵⁶ Mpe likambo ya Pere Noéle ezali lisapo. (Nazosala bino mpasi te, nabanzi, bino bana mike.) Kasi nakoloba boye. Eleki ntango molai te awa, pene na mibu ntuku mibale na mitano to ntuku misato, motei moko, awa na engumba oyo, mokengeli ya—ya losambo moko ya monene, awa na engumba, nayebaki ye malamau, moninga na ngai ya motema, apusanaki epai na ngai. Mpe Charlie Bohannon (Ndeko Mike, omikanisela Charlie Bohannon, moninga na ngai malamau) . . . Afandaki na biró na ye mpe alobaki: “Nakobetela lisusu bana na ngai lisolo ya lokuta wana te, to nakotika lisusu te ete bábétela yango bankóko na ngai.” Alobaki: “Mwana na ngai moko ya mobali ayaki epai na ngai, nsima na ye kokokisa pene na mibu zomi na mibale, mpe azalaki koloba na ntina na Pere Noéle. . .” Mpe ye, alobaki: “Ee. . . Cheri, nazali na likambo ya koyebisa yo,” alobaki: “Mami. . .” Boyebi, mpe akobaki koyebisa ye eloko oyo asalaki.

Bongo na nsima ayaki lisusu, alobaki: “Na bongo, Tata, Yesu oyo azali kaka eloko moko?”

¹⁵⁷ Bólobaka solo. Pere Noéle ezali lisolo oyo Bakatoliko basálá, ya mobali moko boye, Kriss Kringle to Santu Nikola, mobange mosantu moko ya Mokatoliko ya Allemand, eleki mibu mingi, azalaki kokende bipai na bipai kosaleláká bolamu na bana mike. Mpe bakobaki kosala yango lokola bonkóko. Kasi Yesu Klisto azali Mwana na Nzambe. Azali solo mpenza, mpe Azali na bomoi.

Sikawa, motuna moko yango oyo, ya nsuka, ezali mpenza. . .

¹⁵⁸ Sikawa bótala. Ntango mosusu bokoyokana ná ngai te na likambo wana. Kasi soki boyokani ná ngai te, bóbosana te, bósala yango na bondeko, bokosala yango? Nalingi bino, mpe nazali na mposa te—nazali na mposa te ya kosala bino mpasi. Nazali kaka, nazolinga kozala sembo. Soki nakoki te. . . soki nalobi lokuta na mwana na ngai, boye nazali moto na lokuta. Bomoni? Nalingi nde koyebisa ye solo.

¹⁵⁹ Sikawa, tóloba nabeteli ye lisolo ya Pere Noéle, nalobi: “Iyo, ya solo, Pere Noéle azalaka. Talá Papa malamau na butu ya Noéle.” Bomoni? Iyo.

¹⁶⁰ Boyebi, mokolo mosusu wana, nazalaki kuna, mpe namekaki yango epai ya mwana moke moko ya mwasi, kaka mpo nátala. Na ntembe te, ezongelaki ngai moko, liboso ya lobi oyo eleki. Nazalaki na kati ya ndako monene yango. Mpe bato bazalaki kuna, awa na magazin ya Quaker Maid. Nakendeki kosomba biloko ya kolia kuna. Na bongo biso, ngai ná mwasi na ngai, tozalaki na kati kuna. Mpe mwana mwasi moko azalaki kuna, ya moke mpenza, alekaki sanza zomi na mwambe te azalaki kuna, azalaki kosala, koyemba: “Dingle Bells, Dingle Bells...” Mpe nalobaki... Na mwa kiti na ye, boyebi, afandaki na nsima ya mwa likálo yango.

Nalobaki: “Ozali koluka Pere Noéle?”

Alobaki: “Azali nde tata na ngai, Misié.”

Nalobaki: “Ópambolama, Cherie. Ozali na bwanya.”

Sikawa, motuna ya nzúbe mpenza yango oyo, baninga. Mpe na likambo oyo... Bongo nakosukisa. Oh, ezali—ezali Likomi moko kitoko, kasi ezali nzúbe na moto nyonso, emonani bongo. Etungisaki ngai mibu mingi mpenza; mpe kaka na ngolu na Nzambe... Mpe mwasi na ngai ya motuya, oyo afandi kuna nsima sikoyo, ntango ayokaki ete nazali na motuna wana nsima ya nzanga oyo, alobaki: “Bill, ndenge nini okoyanola na yango?” Alobaki: “Ngai moko namitunaka yango ntango nyonso.” Alobaki: “Nasósolaka yango ata moke te.” Mpe alobaki...

Nalobaki: “Yaka na mpokwa, Cherie. Nakosala makasi mpenza, na lisungi ya Nzambe.”

100. Ndeko Branham, bolimbisi ólimbola Baebele 6:4 kino 6.

¹⁶¹ Ezali mokolo moko, mpenza... Bomoni, sikawa, bosengeli kosala keba awa, na oyo etali kondima na biso, ngolu, kobatelama ya bandimi, molénde ya basanto, molénde, kútu, ya basanto. Baebele mokapo ya 6, 4 kino 6.

Sikawa, kaka na ntango oyo... kosilisa likambo oyo, bongo nabanzi ete Nzambe akosunga ngai mpo nákomisa yango mpenza polele mpo na bino. Bólimbisa ngai, na—nazali na Liteya na ngai mpo na mpokwa ya lelo; ntango mosusu nakoteya yango lisusu lobi na ntongo, na—na losambo. Na nsima nákokende.

¹⁶² Sikawa, ezali mpenza nzúbe. Bomoni? Sikoyo, bosengeli kotala malamú. Sikawa bómikanisela, na losambo oyo, tondimaka mpe toteyaka, te ete baoyo nyonso bayaka awa mpe bagángaka, baoyo nyonso balobaka minoko na sika, baoyo nyonso bapesaka motei mbote ya loboko, bazali na Bomoi na Seko. Kasi tondimaka ete, soki ozali na Bomoi na Seko, soki Nzambe apesi yo Bomoi na Seko, ozali na Yango mpo na libela. Bomoni? Mpamba te, bótala. Soki te, Yesu azali molakisi ya lokuta. Na Santu Yoane 5:24, Alobaki: “Ye oyo ayoki Maloba na Ngai, mpe andimi Ye oyo atindi Ngai, azali na Bomoi na Seko, mpe akoya na kosambisama ata moke te, kasi asili kolongwa

na kufa, mpe koyingeli na Bomoi.” Sikoyo, Bówelana nde ná Ye. “Baoyo nyonso Tata apési Ngai. . . Moto moko te akoki koya epai na Ngai bobele Tata ábenda ye. (Nazozongela Likomi.) Baoyo nyonso bakoya. . . Moto moko te akoki koya epai na Ngai, soki Tata na Ngai abendi ye liboso te. Mpe baoyo nyonso Tata na Ngai apési Ngai, bakoya epai na Ngai. (Bomoni?) Mpe baoyo nyonso bayei epai na Ngai, nakopesa bango Bomoi na Seko (Yoane 6), mpe nakosekwisa ye na mokolo ya nsuka.” Ezali Maloba na Ye.

¹⁶³ Sikoyo bótala. Soki nalingi kozóngá na Baefese mokapo ya 1, Polo azali koteya. . . Sikawa, Bakolinti, moto nyonso azalaki na monoko ya sika ná loyembo. Bokomona ete mangomba mosusu bazalaki na mindondo wana te. Atikálá koloba eloko moko te na ntina na yango. Asilá kolobela minoko na sika esika moko na lingomba ya Baefese to na lingomba ya Baroma? Te! Bazalaki na minoko ya sika mpe nyonso wana, lokola Bakolinti, kasi epai na bango, basilaki kotia yango na molongo. Bakolinti bazalaki kokoka kotia yango na molongo te. Bomoni? Kasi Paulo akendeki kuna mpe atiaki lingomba na molongo.

Sikawa, ye. . . Nandimaka, lokola Oral Roberts alobaka, ete “Nzambe azali Nzambe malamú.” Bondimaka yango, boye te?

¹⁶⁴ Mpe okoloba: “Malamu, bongo ba-Pantekotiste, ná minoko ya sika, Ndeko Branham?” Nakanisi bazali na Molimo Mosanto. Ya solo. Malamu, mpo na nini? Bótala. Bondimaka ete Azali Nzambe malamú? Mokolo moko, Tomá alobaki: “Oyebi, Nkolo. . .”

Bango nyonso bandimelaki Ye. Balobaki: “Oh, toyebi ete Azali mpenza solo!”

“Oh,” Tomá alobaki, “te, te, Nandimi yango te. Nzela bobele moko oyo ná kondima yango, nasengeli kozua elembeteli. Ekosengela nátia misapi na ngai na mopanzi na Ye, mpe na bilembo ya nséte, na maboko na Ye.”

Azali Nzambe malamú. Alobaki: “Yaka, Tomá. Yango oyo.”

“Oh,” Tomá alobaki, “sikoyo nandimi.”

¹⁶⁵ Alobaki: “Iyo, Tomá, nsima na yo komona Ngai, mpe komama Ngai, mpe kotia loboko na Ngai. . . maboko na yo na mopanzi na Ngai, nde ondimi. Kasi koleka boni libonza na bango eleki monene, baoyo batikálá komona te kasi bandimi.” Azali Nzambe malamú. Akopesa yo mposa ya motema na yo, ya solo. Tóndimela Ye kaka. Oyo wana—oyo wana—oyo wana nde ebotú ya kufa epai na Satana. Ntango moto azui Nzambe na Liloba na Ye, ndeko, yango ebomaka Satana ntango nyonso. Yango nde ebotú ya makasi koleka, oyo Satana akoki kozua, ntango moto azui Nzambe na Liloba na Ye. Iyo, misié. Ndenge nalobaki: “Moto akobika na lipa mpamba te (Yesu, na mpokwa mosusu wana), kasi na Liloba nyonso ebimaka. . .”

166 Sikawa, bóyoka likambo oyo malamu. Sikawa, nakobanda na molongo ya liboso:

Yango wana, lokola totiki makambo mikemike ya ebandeli ya mateyo ya Klisto, tókende kino na kobonga be; . . . (Sikawa, likambo ya liboso oyo nalingi ete bóyeba: Polo azali koloba na banani, awa? Na Baebele. Elobami: “Baebele,” na likoló, Mokanda na Baebele. Ezali bongo? Bayuda oyo baboyaki Yesu. . . Bokoki—bososoli yango sikoyo? Azali koloba na Bayuda, kotalisa bango ete elíngí ya mobeko ezali elilingi ya Klisto. Makambo nyonso ya kala ezalaki etaliseli ya oyo ya sika. Sikoyo bótala.)

. . . totiki makambo mikemike na liboso na mateyo na Klisto, tóleka kino na kobonga be; . . .

167 Sikawa, azali koloba na bango na ntina na mateyo. Tóbanda koloba makambo na kobonga be. Sikawa, obongi be kati na Nzambe ntango otiami elembo na Molimo Mosanto, *kino* mokolo ya lisiko na yo. “Ye oyo abotami na Nzambe (Yoane ya Liboso) asalaka lisumu te; mpo akoki kosala lisumu te, mpo Momboto na Nzambe efandi kati na ye.”

168 Moto oyo atondisami na Molimo Mosanto, oyo akanisi te ete atondisami, kasi ye oyo abotami na Molimo na Nzambe, asalaka lisumu te, mpamba te Momboto na Nzambe ezali kati na ye, mpe akoki kosali lisumu te. Bomoni? Biblia elobi yango? Boye, yango wana mpenza. Ozali. . . Ezali te oyo yo osalaka, oyo, ezali oyo, ezali te oyo mokili ekanisaka mpo na yo, ezali nde oyo Nzambe akanisaka mpo na yo. Bomoni, bomoni? Okoki te. . . Ndenge nini nakoki kozala na ndingisa ekomami ya moyangeli ya engumba, ete nakoki kotambwisa na mbangu ya ba-kilometele ntuku motoba na mitano na ngonga, na engumba, bongo polisi ákanga ngai? Ekoki kosalema te. Ndenge nini nakoki kosala lisumu, na ntango oyo mbeka ya makila ezali ntango nyonso liboso na Nzambe, esika oyo Akoki ata komona ngai te; na ntango oyo epekiseli moko ezali na—na. . . liboso na ngai ná Nzambe, nguba ya Makila? Mpo tosílí kokufa, mpe bomoi na biso ebómbámi kati na Klisto, na nzela na Nzambe, etiámí elembo na nzela ya Molimo Mosanto. Ekosalema ndenge nini ete ósala likambo ya mabe na miso na Nzambe? “Soko tosali lisumu na nko (Baebele 10) nsima na biso koyeba Solo, mbeka mpo na lisumu ezali lisusu te.” Na kati awa, ekoki kosalema te (bomoni?) ete moto ásala lisumu na nko.

169 Sikoyo, tókende liboso mpe tótánga. Malamu.

. . . kino na kobonga be; kozanga kotia lisusu moboko ya—ya kobongola motema na misala ya kúfá, mpe. . . kondimela Nzambe,

Ya malakisi ya mabátisi, . . . kotiela bato maboko, mpe ya lisekwa ya bakúfi, mpe. . . kosambisa ya seko.

Mpe yango . . . nde tokosala, soko Nzambe apesi nzela.

(Sikawa, awa nde balingaki kobanda, na molongo ya 4.) *Mpo ekoki kosalema te mpo na baoyo . . . bangengisami, oyo baleti likabo ya likolo, oyo basangani na Molimo Mosanto,*

Oyo baleti liloba kitoko ya Nzambe mpe ba-nguya ya ekeke oyo ekoya,

Soko bakwei, bakoki lisusu kozongisama sika te—kozongisama sika te kino kobongola motema; mpo bango mpenza bazali kobáka lisusu Mwana ya Nzambe na ekulusu mpe koyokisa ye nsoni na miso ya bato.

170 Sikawa, sikoyo, ezali komonana, na ndenge bozali kotánga yango kuna, ete moto akoki kozua Molimo Mosanto, na nsima kozonga nsima mpe kobunga. Kasi ekoki kosalema te mpo na ye. Bomoni? Akoki kosala yango te. Soki abungaki, Klisto akosaki. Bomoni? Ekoki kosalema te mpo na baoyo basili kongengisama. Sikawa, bó тала awa. Azali koloba na banani? Azali koloba na Bayuda oyo ya ndelo. Alobaki ata moke te ete moto oyo atondisami na Molimo Mosanto; alobaki: “Soki asilaki koléta Liloba na Nzambe.”

171 Sikawa, tika náloba yango kaka na liseke, mpo bómona yango mpe bózanga yango te sikoyo. Sikawa, azali kokomela nde Bayuda oyo. Bamosusu kati na bango bazali bandimi ya ndelo. Bomoni? Alobaki: “Sikoyo, tokotika misala wana mpe tokokende liboso mpo na koloba na ntina na kobonga be.” Alobaki: “Sikoyo, tozali kolobela mabátisi, lisekwa ya bakúfi, kotiela bato maboko, mpe nyonso wana; kasi tókende liboso sikoyo, mpo na koloba na ntina na kobonga be. Sikawa, tokolobela ntango oyo moto akómaka kino na Molimo Mosanto. Sikawa, boumeli ntango molai zinga-zinga na mayangani. . . .”

172 Mpe bomonaka bato yango. Bakokóba kozala zinga-zinga; bakolinga kokota te to kobima. Basepelaka na Molimo Mosanto. Bayáka zinga-zinga. Mpe ntango mosusu soki Molimo Mosanto asali likambo moko, bato yango bakotelema, bakogánga mpe bakopumbwapumbwa na ntina na yango, kasi bango moko balingaka kozua Yango ata moke te. Te, te! Bomoni? Mpe bakoloba: “Oh, iyo, ezali malamau. Oh, kasi nayebi yango mpenza te.” Bomoni, bomoni, bomoni? Bandimi ya ndelo. Bazali mpenza pene na lolenge ete bakoki koléta Yango, kasi ata bongo bazuaka Yango te. Bomoni? Sikawa, bazalaka zinga-zinga ndenge wana, ntango molai mpenza, kino nsima na mwa ntango, bakendeke mosika mpenza. Nakoki kotánga nkombo ya mingi oyo bazalaki na tabernacle, oyo basalá likambo yango moko. Basili kokwea na bango lisusu, mpo na komizongisa mpe kozonga na kobongola lisusu motema, mbongwana ya motema ezali te mpo na bango. Basili koyokisa Molimo mawa mpe Ekei mosika na bango. Bakómaki mpenza pene na lolenge ete. . . .

173 Bótala, soki bokolinga kozua elongo na ngai (bozali na ntango te sikoyo, nayebi) kasi soki bokolinga kozua Dutelonome mokapo ya 1, mpe bótangá yango, bokomona likambo yango moko. Bókoma yango sikoyo, Dutelonome mokapo ya 1. Sikoyo, kobanda na molongo ya 19, kino na molongo ya 26. Dutelonome...Bokomona...Sikoyo bótala. Yisraele mobimba...Bato yango basalaka boye, bakómaki na Kades-Barnea. Oh, namoni eloko moko! Tabernacle oyo, mokili ya Pantekote oyo ezali na Kades-Barnea, sika-sikawa. Ya solo mpenza, Ndeko Neville. Tozali na Kades-Barnea, esambiselo ya mokili (ezalaki esambiselo).

174 Mpe banóngi bakendekei kuna. Awa, Yosua alobaki: “Sikoyo, natindi banóngi,” to Mose nde, “Natindi banóngi, zomi na mibale, moto moko na moko kouta na mabota na bino moko moko. Natindi bango mpo bánónge mboka yango bongo báyela biso nsango.” Ezali solo?

Mpe ntango bazóngaki, bato libwa kati na zomi na mibale balobaki: “Oh, ezali mboka malamú, kasi oh, mawa, tokoki kozua yango te. Oh, la la! Baamola bazali kuna, tozali lokola mayoyo liboso na bango. Bazali ná bibundeli. Bitutu na bango ezali minene. Oh, ezali mpenza...na bongo, elingaki kozala malamú ete tókufa na biso kuna na Ejipito, na esika ete ómema biso awa.”

175 Kasi, mobange moke oyo Kalebe ná Yosua bapumbwaki noki wana mpe bakitisaki bato mitema; balobaki: “Tozali na makoki koleka mpo na kozua yango.” Iyo misíe! Wana nde esengeli. Sikawa bótala. Likambo nini esalemaki? Kalebe ná Yosua bayebaki ete Nzambe apesaki elaka yango: “Étali ngai te monene ndenge nini yango ezali, bipekiseli boni ezali, milai ndenge nini bango bazali, monene ndenge nini bango bazali, yango ezali na eloko ya kosala ná yango te. Nzambe alobaki bongo, mpe tokoki kozua yango.” Mpe boyebi ete bango bazalaki bobele bato mibale oyo, kati na bato milió mibale na ndambo wana, nde batikalá kokatisa na mokili yango? Mpo babatelaki kondima na bango na oyo Nzambe alobaki ete ezali Solo. Amen!

176 Tabernacle, sika-sikoyo, eteleme na Kadese-Balanea. Bótala, bato bakómaki mpenza pene kino balétaki ata mbuma ya miwiti utá na mboka yango. Baliaki mbuma na yango. Ntango Kalebe na bamosusu bakendekei kuna mpe bayaki na mbuma ya miwiti, bato yango bazuaki ndambo mpe baliaki yango. “Oh, ezali elengi, kasi tokokoka te.” “Baoyo balétaki mosala malamú ya Nzambe, baoyo balétaki Molimo Mosanto, bamonaki bolamu na Yango, balétaki Yango, basili koléta Liloba na Nzambe...” Bomoni yango? Moko te na bato yango, ata moko te na bango atikalá kozua ndingisa ya kokende na ngámbo. Bakufaki na mabelé na bango moko, awa, na lisobe. Batikalá kokende na ngámbo te, nzokande bakómaki mpenza pene kino koléta Yango,

kasi bazángaki mpenza ngolu ná kondima esengeli mpo na kozua Yango. Ezali nde bongo.

177 Sikawa. Sikawa yóka yango, yo ndeko ya motuya oyo okomaki mokanda oyo. Tótánga naino molongo oyo elandi. Bóyoka malamú, mwa miniti. Bótala Pólo. Sikawa tótánga molongo ya 7:

Mpo mabelé . . . emelaka mai ya mbula oyo enokelaka yango mbala na mbala, mpe oyo na nsima ebotaka ndunda oyo eliamaka na bato oyo balonaki yango, ezuaka mpe mapamboli ya Nzambe:

Kasi soko eboti nzube ná bansende, bakobwaka yango mpe ekoki kolakelama mabe; mpe sukasuka bakotumba yango.

178 Sikawa, bomoni oyo alobi? Sikoyo bótala. Motuna yango ezalaki awa; sikawa, bongo tósilisa . . . Likambo oyo etungisaki ngai mingi mibu ebele.

179 Nakendeiki na losambo moko mokolo moko, epai bato bazalaki koloba minoko na sika, na Mishawaka, na Indiana. Sikawa, nazali liboso ya bato na ngai moko. Bosilá koyoka bato yango . . . koyoka ngai kobeta lisolo ya bomoi na ngai, mpe na ntina ya moto moindo oyo alobaki: “Ye oyo. Ye oyo.” Sikoyo, nabeté lisolo yango.

180 Kasi na oyo etikali na : namonaki mibali mibale. Bazalaki . . . Moko azalaki kopesa nsango, mosusu alimboli yango. Moko apesi nsango, mpe mosusu alimboli yango. Mpe ndeko, ezalaki solo. Kaka oyo . . . Nakanisaki: “Kitoko! Namóná naino likambo ya ndenge wana te.” Nalobaki: “Nazali kati na banje.” Nakanisaki, namóná naino te . . . Moko alingaki koloba, mosusu . . .

181 Mpe nafandaki wana, na sima, lokola motei moko ya mpamba, bo . . . [Maloba mazangi na bande—Mok.] . . . mibali mibale yango, na ntango moko boye, nalingaki kopesa bango mbote ya loboko. Naticálá komona bato ya lolenge wana te, na bomoi na ngai. Bazalaki kopesa nsango, mpe mosusu akolimbola yango. Mpe oh, la la! Ezalaki kitoko mingi! Soko moko akoloba, mosusu alimboli. Bango mibale . . . Mpe, bazalaki kokóma pembe mpenza, ntango bazalaki kotombola maboko. Nakanisaki: “Oh, la la, la la! Nazalaki wapi bomoi na ngai mobimba? Eloko yango oyo!” Nalobaki: “Oh, ba-Pantekotiste balongi.” Ezali mpenza ya solo.

182 Naticálá komona mingi boye te, kaka oyo ezalaki zingazinga awa, epai oyo . . . Ntango mosusu basi mibale to misato, na losambo moko esika moko boye. Mpe bakoswana; moko kobianga mosusu “nzete-efandelo ya bingondo,” mpe, boyebi, kaka ndenge wana, bazalaki koswana, tóloba. Ezali te mpo na kozanga limemia na basi to eloko moko, sikoyo, kasi kaka . . . E—ezalaki likambo ya mpasi mingi. Soki moko na bino . . .

Bómikanisela, Ndeko Graham. Ozalaki naino elenge mingi na ntango wana. Boye, lolenge wana nde ezalaki.

Mpe nayokaki yango, nakanisaki: “Oh, la la, nakómi epai na baanje.”

¹⁸³ Mokolo moko, nazalaki oya kobaluka na litúmu ya ndako, ekokaki kozala mokolo ya mibale, nakutanaki na moko na mibali yango. Nalobaki: “Mbote, Misié?”

Alobaki: “Mbote?” Alobaki: “Ezali . . . Nkombo na yo nani?”

Nalobaki: “Branham.”

Alobaki: “Outi wapi? Awa?”

Nalobaki: “Te, Nauti na Jeffersonville.”

Alobaki: “Boye, ezali malamú. Ozali Pantekotiste?”

Nalobaki: “Te, misié, nazali yango te.” Nalobaki: “Nandimaka mpenza te ndenge ya ba-Pantekotiste ya kozua Molimo Mosanto,” Nalobaki, “kasi ata bongo,” nalobaki, “nazali awa mpo na koyekola.”

¹⁸⁴ Alobaki: “Malamú, ezali mpenza malamú.” Mpe ezalaki ngai kosolola na ye, nasósolaki molimo na ye (lokola mwasi wana, na liziba ya mai), azalaki Moklisto ya solosolo. Ndeko, ya solo, namonaki ete azalaki oyo ya solosolo. Azalaki moto malamú. Sikawa, bino nyonso . . . Bato boni basílá koya na mayangani na ngai, mpe komona makambo wana kosalema? Bomoni? Mobali yango azalaki mpenza malamú mobimba. Boye, na—nakanisaki: “Yango mpenza! Oh la la, ezali mpenza kitoko mingi!”

¹⁸⁵ Na mpokwa wana, nsima ya nzánga na ntango moko boye, nakutanaki ná oyo mosusu. Nalobaki: “Mbote, Misié?”

Alobaki: “Mbote? Nkombo na yo nani?” Nayebisaki ye. Mpe alobaki: “Ozali na . . . Ozali—ozali Pantekotiste?”

Nalobaki: “Te, misié, mpenza Pantekotiste te, Nabanzi te.” Nalobaki: “Nazali awa kaka mpo na koyekola.”

Alobaki, nalobaki, alobaki: “Osílá kozua Molimo Mosanto?”

Nalobaki: “Na—nayebi te.” Nalobaki: “Kokokana na oyo bino nyonso bozali na yango, nabanzi nazali na Yango te.”

Mpe alobaki: “Osílá koloba minoko na sika?”

Nalobaki: “Te, misié!”

Alobaki: “Boye ozali na Yango te.”

¹⁸⁶ Mpe nalobaki: “Ee, na—nabanzi ezali bongo.” Nalobaki: “Nayebi te. Nabanda koteya eleki pene na mibu mibale, na nsé na yango,” mpe nalobaki: “Nayebi Yango malamú mpenza te.” Nalobaki: “Ntango mosusu nayebi te.” Nalobaki: “Nazokoka kososola te . . .” Mpo oyo, nazalaki komeka kokanga ye wana (bomoni?), mpo násosola yango. Mpe ntango nasalaki yango, soki nasílá kokutana ná mokosi, oyo wana azalaki moko na bango. Mwasi na ye azalaki na nsuki ya moindo; kasi azalaki

kobika elongo ná mwasi mosusu ya nsuki ya ngóla, abotaki ná ye bana mibale; kasi azalaki koloba minoko na sika mpe kolimbola yango mpenza lokola ekokaki kozala. Mpe nalobaki: “Sikoyo, Nkolo, namikotisi na nini?” Nautaki epai ya banje, nayebaki epai nazalaki te. Nalobaki: “na—na—nazali fundamentaliste; esengeli kolóngobana na Biblia. Esengeli kolóngobana. Mbéba ezali esika moko boye, Nkolo. Ekokaki kozala nini?”

¹⁸⁷ Nakendeki na liyangani na mpokwa wan, mpe Molimo yango ekitaki; mpe ndeko, okokaki koyoka Yango, ete Ezalaki Molimo Mosanto. Iyo mesie! Soki ezalaki Yango te, Ezalaki kotatola na molimo na ngai ete Ezalaki Molimo Mosanto. Nazalaki naino elenge motei, mpe nayebaki te ndenge nini, nayebaki mingi mpenza te likambo ya kosóla milimo. Kasi nafandaki wana. Mpe nayebi ete kaka Nzambe oyo abikisaki ngai, mpe nazalaki komiyokela ndenge moko. . . Namiyokaki lokola nazalaki kodusola na nsámbe ya ndako, ezalaki eyokeli moko ya kitoko mingi na kati ya ndako yango. Nakanisaki. . .

¹⁸⁸ Bato bazalaki pene na nkóto na nkama mitano kuna. Mpe nakanisaki: “Oh, la la!” Masangá mibale to misato bakutanaki elongo. Mpe nakanisaki: “Toloba, oh la la! Ekoki kozala ndenge nini? Sikawa, Molimo monene wana na kati ya ndako oyo, ezali kokita ndenge wana; mpe awa, tala likambo oyo ezali kosalema kuna, mibali wana bazali koloba minoko na sika, kolimboláká, kopesáká nsango na ndenge ebongi be— kasi moko na bango azali mokosi, mpe mosusu, moto na Nzambe mpenza.” Mpe nakanisaki: “Sikoyo, nakomi na mobulungano mpenza. Nayebi eloko nini kosala te.”

¹⁸⁹ Malamu, nokinoki nsima na yango, moninga na ngai ya malamamu, Ndeko Davis (boyebi), abandaki koloba ete nazali mwana-popi. Ezali eloko oyo bana mike ya basi basakanaka na yango, boyebi. Na bongo, nazalaki monzemba, na bongo, Na. . . Abandáki kotungisa ngai, mpe azalaki kaka kokoba, tóloba, akómaki kotiola ngai na maseki.

¹⁹⁰ Mpe tozalaki kosala mwa. . . Mama na bino ná biso nyonso, tozalaki kosala mwa mayangani na bisika ndenge na ndenge. Mongombo ezalaki naino—naino te na ntango wana, mpe tozalaki kosala mwa mayangani bisika ndenge na ndenge. Mpe sukasuka mokolo moko, nsima ya kotonga tabernacle, mibu ebele na nsima, Nakendeki na Green’s Mill, na libulu na ngai, mpo na kobondela, mpo Ndeko Davis autaki koloba makambo moko ya nsómo na ntina na ngai na—na—na zulunále na ye. Nalingaki ye. Nalingaki te ete likambo moko ékóma, mpe na—nakendeki kuna kobondela mpo na ye. Nakendeki kuna, mpe nakotaki na libulu yango. Natikalaki kuna pene na mikolo mibale. Mpe nalobaki: “Nkolo, limbisa ye. A—alingi—alingi koloba likambo wana te.” Mpe nakanisaki: “Oyebi. . .” Esalemaki ete nakanisaki Likomi moko.

¹⁹¹ Mpe nabimaki libanda. Mobimbi ya nzete moko ezalaki wana (mobimbi ya nzete yango ezali kaka wana, natelemaki likoló na yango, kala mingi te) kokita na ngomba, mpe ekangaki nzela moko ya moke, oyo euti na mokele ya mai. Nafandelaki mobimbi ya nzete yango, kotaláká bangomba na mosika nsima—nsima kuna, mpe nalalisaki Biblia na ngai ndenge wana. Nakanisaki: “Oyebi. . .” Nazalaki kokanisa na ntina na Likomi moko: “Motúli ya bibende, asalaki ngai mabe mingi, mpe alobaki makambo.” Boyebi. . . Nakanisaki: “Nbanzi nakotángá kaka yango.” Nafungolaki Biblia, mpe nalobaki: “Malamu. . .” Napangusaki elongi na ngai, mpe mopepe mopepaki, mpe ebalolaki yango na Baebele 6. “Malamu,” nalobaki, “ekomami kuna te.” Nalalisaki Yango lisusu boye. Mpe mopepe epepaki lisusu mpe ebalolaki Yango kaka lisusu. Nalobaki: “Sikoyo, wana ezali ndéngé, mopepe ezali kopepa yango ezonga ndéngé wana.” Boye nakanisaki: “Malamu, nabanzi nakotángá yango.” Mpe ekomami:

Mpo ekoki kosalema te ete baoyo basilaki kongengisama, . . . oyo basangani na Molimo Mosanto, mpe baleti. . . Liloba na Nzambe, mpe eloko ya ekeke ekoya.

Nakanisaki: “Ee, nazomona eloko moko te ná yango.” Nakobaki kotángá yango, eteni ya mokapo etikalaki. Eloko moko ezalaki kuna te. Nalobaki: “Malamu, e—esuki wana mpo na yango.” Mpe na—namonaki yango ndenge wana, mpe ezongaki lisusu. Nazuaki Yango, mpe nakanisaki: “Boye, oyo ezali nini?” Nakobaki kotángá yango, kotángá yango, mpe kotángá yango, nalobaki: “Boye, nazosola te.” Na bongo nakobaki. . . Mpe nakobaki kotángá kino na nsé:

. . . kosalema te ete baoyo basili kongengisama, . . .

Ekómaki awa na esika oyo epai elobi:

Mpe mabelé. . . emelaka mai ya mbula oyo enokelaka yango mbala na mbala, mpo ébota ndunda oyo ekoliama bilei na bato oyo balonaki yango, ezuaka mapamboli ya Nzambe:

Kasi soko eboti banzube mpe bansende, bakobwaka yango, mpe. . . pene na kolakelama mabe; mpe etúmbu na yango ezali kotumbama.

¹⁹² Nalobaki: “Nazomituna soki elingi koloba nini?” Nako. . . Sikoyo, nazalaki kokanisa eloko moko te kuna. Nazalaki kaka kokanisa yango. Na mbala moko, wana efandaki ngai kuna, Nakanisaki ete Nkolo akopesa ngai emononeli mpo na Ndeko Davis ná bamosusu kuna. Nafandaki wana; natalaki, mpe namonaki eloko moko ezali kobaluka, na ngámbo mosusu ya mwa libulu, liboso na ngai. Mokili ezalaki kobaluka. Mpe namonaki yango nyonso ezalaki ya kobukana-bukana, emonanaki lokola nyonso etimolami-timolami. Mpe Moto moko

akendeki ná e—e—eloko moko ya monene liboso na Ye, etóndi na momboto, mpe Azalaki kobwaka momboto yango na mabelé mobimba, wana Azalaki kokende. Akendeki kino kobaluka na nsuka ya mabele, mpe Alimwaki na miso na ngai. Kaka ntango Alimwaki na miso na ngai, moto moko ayaki, azalaki komonana moto ya mayele mabe mingi, alataki bilamba ya moindo, azalaki kotambola boye, kokendéké, *fiuu, fiuu*, kobwakáká momboto ya mabe, *fiuu, fiuu*. Natalaki yango, mpe wana mabelé ezalaki kokóba kobaluka . . .

¹⁹³ Nsima na mwa ntango, blé ebimaki. Kaka ntango blé ebimaki, matiti ya biséndé ebimaki, mpe matiti mpamba, mpe nzube, ná matiti mabe, mpe nyonso ekólaki, matiti ya mbondó, ná biloko ya ndenge na ndenge ebandaki kobima elongo ná blé. Mpe nyonso ezalaki kokóla elongo. Mpe bokauki moko ya makasi mpenza eyaki, mpe mwa blé yango ekitisaki motó na yango ndenge wana, mpe mwa nsénde wana, matiti ya nsende-nsende, nzube, ekitisaki mitó. Lititi mabe moko na moko kaka, *han, han, han, han*, kopema bongo. Bokokaki mpenza koyoka bango. Mpe ezalaki kosenga mbula, mbula.

¹⁹⁴ Mpe nsima na mwa ntango, lipata moko ya monene mpenza eyaki, mpe mai esopanaki mpenza. Ntango ekitaki kuna, blé wana etelemaki mbangu mpe ebandaki koganga: “Nkembo! Aleluya! Nkolo á sanzolama!” Lititi mabe etelemaki mbangu mpe egángaki: “Nkembo! Nkolo á sanzolama! Aleluya!” Banzube mpe yango nyonso wana ekómaki kobina na elanga mobimba, kogángáká: “Nkembo! Aleluya! Nkolo á sanzolama!”

Boye, nalobaki: “Nazosósola yango te.”

¹⁹⁵ Emononeli etikaki ngai; mpe nakweaki lisusu na eteni yango: “Nzube oyo ebelemi mpo na kobwakama.” Na bongo, nasosolaki. Yesu alobaki: “Mbula enókaka likoló na bato malamú ná bato mabe.” Moto akoki kofanda kati na mayangani, akoki koloba minoko na sika, akoki koganga mpe kosala lokola bato nyonso, ná Molimo Mosanto ya solo, kasi kozala kaka te kati na Bokonzi na Nzambe. Ezali mpenza ya solo. Yesu alobaki te ete: “Mingi bakotelema kuna na mokolo wana, mpe bakoloba: ‘Nkolo, nabenganaki milimo mabe na Nkombo na Yo te? Nasakolaki (nateyaki) na Nkombo na Yo te? Nasalaki misala mingi ya nguya na Nkombo na Yo te?’” Yesu alobaki: “Bólongwa pene na Ngai, bino basáli ya bokesene, nayebi bino ata moke te.” Bolobi nini mpo na yango?

¹⁹⁶ Nde mpenza oyo yango elingi koloba awa. Bomoni? Balétaki mbula kitoko oyo eutaki na Likoló. Kasi mpo na kobanda, bazalaki na libunga. Mpo na kobanda ntina na bango ezalaki malamú te; mposa na bango ezalaki malamú te. Oyo wana, bokoki kokesenisa yango te. E . . . Boyebi, na ntango ya kobuka mbuma, alobaki: “Nasengeli nde kokende kopikola yango nyonso?”

¹⁹⁷ Alobaki: “Tika yango ékóla elongo, kasi na mokolo wana, nzube ná matiti mabe yango ekotumbama elongo, mpe blé ekotiama na ebómbelo.” Sikawa, ndenge nini okoyeba nini ezali nzube, to nini matiti mpamba, to nini ezali blé? “Bokoyeba bango na mbuma na bango.” Bomoni, ndeko mobali mpe ndeko mwasi, nzete malamau ekoki kobota mbuma ya mabe te. Etali te nini, esika moko boye na nzela, yango ekokanga yo. Na bongo, bino baoyo bozali koluka libatisi ya Molimo Mosanto. . . Nasepeli na moto nyonso oyo akomaki yango. Bomoni?

¹⁹⁸ Sikawa, bandimi ya ndelo oyo bazalaki kuna, bazalaki mpenza elongo ná bango. Bakatamaki ngenga na bokátami ngenga na bango. Bakendeke kino na mboka oyo Nzambe alakaki, kino na ndelo na yango. Mingi na bato yango bapusanaki kino na ndelo yango. Akopusana kino na libatisi ya Molimo Mosanto, kasi akoboya yango. Alingi kotika yango te. Akopusana kino na libatisi ya Likomi na Nkombo na Yesu Klisto, kasi akopesa yango mokongo, mpe akoboya yango mpo ámona yango te.

¹⁹⁹ Ezali na Likomi moko te na Biblia mobimba esika oyo moto moko atikalá batisama na nkombo ya Tata, Mwana, Molimo Mosanto, Likomi moko te. Lingomba Katoliko nde ebandaki yango, elekaki na Luther, ekiti na Wesley, mpe sukasuka, ekómi kino awa. Ezali mpenza bongo. Kasi etindá ya Makomi ezali Nkombo ya Nkolo Yesu Klisto. Yango nde libatisi ya bantóma. Okoki kozua yango te bongo ótikala na denomination. Ya solo.

²⁰⁰ Sikawa, bomoni makambo yango? Libatisi ya Molimo Mosanto, makabo ya Molimo, makambo oyo Nzambe asalaka. . . Mbuma ya Molimo ezali bolingo, esengo, motema molai (Oh, okoloba: “Kasi, Ndeko Branham, Nzambe ápambolama, nazali na motema molai.” Emonani lokola yango. Nakendeke na Ohio, kala mingi te awa, mpe moto moko atunaki ngai, akomelaki ngai mokanda awa mpe atunaki ngai soki nabátisaka bato na Nkombo na Yesu Klisto. Nalobá eloko moko te. Ata bongo, bamonaki yango, mpe batei zomi na motoba bayokanaki mpe bamilongolaki. Oyo wana nde motema molai, boye te!)—motema molai, boboto, bopolo, bolamu, moléndé, mpe Molimo Mosanto. Bomoni?

²⁰¹ Oh, ndeko mobali, ndeko mwasi, tokómi—tokómi na Kadese-Balanea. Bozali koléta sikoyo. Lobi na mpokwa, Molimo Mosanto ekitaki likoló na biso, ekotaki kati na biso, lokola mopepe makasi. Efandaki likoló na mingi kati na bino. Lelo batei bazalaki kotala mabota bipai na bipai, kotiela bato maboko mpe kobondela mpo na baoyo bazali koluka Molimo Mosanto. Bózua eloko mosusu te. Bózua makelele moko boye te. Bózua kotúntuka moko boye te. Zelá wana kino Nzambe ápesa yo lolenge malamau, mpe ákómisa yo ekelamu ya sika mpe ákómisa yo moto ya sika. Ozali koléta Yango sikoyo, kaka koléta Yango, kasi tika ete Ebenga ékamba yo kino na mesa, mpe—mpe

Mwana-mpate ná Ebenga bakofanda elongo, mpe bakosala lipati mpo na libela likoló na Liloba na Nzambe. Mpamba te Yango ekoumela, wana likoló ná mabelé ekozala lisusu te; Liloba na Nzambe ekoumela. Ya solo.

²⁰² Nasengi na bino, bókanisa te ete nalekisi ndelo. Soki nasalaki bongo, ezalaki mposa na ngai te. Soki na . . . Nazolikia ete nayanoli na mituna oyo; nayanoli na yango kokokana na boyebi na ngai nyonso.

²⁰³ Yango wana, na Baebele 6, soki bososoli yango, Polo azali koloba na Baebele oyo bazalaki koloba: “Boye, tokokende elongo yo kino na esika moko boye.” Bakoya. Bomoni? Alobaki: “Sikoyo, bo . . .” Baoyo bayaka, mpe baléti.

²⁰⁴ Esalemi ete nauti kobwaka miso na nsuka ya ndako oyo. Mpo na kotalisa bino elembeteli ya Nzambe na Bomo. Nazolikya ete nazobenda bokebi likoló na moto yango te. Nauti na likita moko, kala mingi te, mpe nayaki awa, koyebisa bino likambo ya moninga moko malamú, moninga na ngai mpenza, moninga na bokila, moto oyo asalelaki ngai bolamu, moto oyo azaláká na losambo na ngai, mpe azaláká ndeko na ngai; nazalaki kobenga ye Busty. Nkombo na ye ezali Everett Rodgers; azaláká kobika na Milltown. Bato boni bazoyeba lisusu ntanga nazalaki koya awa koyebisa bino yango? Azalaki awa na lopitalo; minganga basalaki ye lipaso, bafungolaki ye, mpe atondaki mpenza na cancer, batongaki ye lisusu mbala moko. Balobaki: “Akolemba noki mbala moko; na mwa bampóso akokende na ye; nde nyonso oyo etikali. Akokóma na nsuka, esili.”

²⁰⁵ Bozali lisusu koyeba ndenge natelemaki awa na etumbelo mpe nabondelaki mpo na ye? Nakendeki kuna mpe nakotaki na chambre yango, eloko moko ezalaki kosimba motema na ngai mpenza. Nakotaki na eteni na chambre yango, mpe kaka ntango nabimisaki bato nyonso mpo nákoka . . . Ndeko Everett atandamaki wana. Mpe bokomikanisela likambo oyo. Nakotaki kuna; nalobaki, “Ndeko—Ndeko Busty.” (Nazalaki kobenga ye Busty.)

²⁰⁶ Kalakala, ntango tozaláká koyangana na ndako ya matiti kuna, ba-Methodisite nyonso oyo bazalaki kuna na ngomba (Gertie azalaki moko na bango), bazalaki koleka-leka, kobwaka songe ya miso na kati ya ndako yango mpo bámona soki nakoloba nini, ndenge wana, bazalaki kobanga ete lingomba Methodisite ébengana bango. Na bongo, nakendeki, nazuaki emononeli moko kuna, mpe namonaki mosuni etondisami na kati ya linzanza. Nalóbaki eboke ya mbisi mpe nalekisaki nsinga na kati na yango, na—nakangaki yango ba-nsinga, mpe nakangisaki ba-nsinga yango. Mpe ntango natalaki . . . Nyonso wana ezalaki kati na emononeli; natikaki—natika bato na kati ya ndako yango na mpokwa wana, mpe namataki na nsóngé ya ngomba, epai ya

Ndeko Wright. Mpe na ntongo oyo elandaki, bazalaki ata kokoka komona ngai te. Nalobaki: “Moto moko te kati na bino . . .”

²⁰⁷ Wana ezalaki ngai wana, koteyáká, tala Polé wana eyaki; Likonzi na Móto wana etelemaki wana, liboso na ngai mpe elobaki: “Longwa awa mpe kende na zámbe; nakosolola na yo.” Esalemaki kaka na mokolo yango, mokolo elandaki, bakutaki ngai likoló ya ngomba. Nazalaki kuna; nabombaki motuka na ngai na kati ya matiti, mpe nazalaki likoló ya ngomba moko, kobondeláká butu mobimba mpe moi mobimba ya mokolo oyo elandaki. Ndambo na bango bamataki kuna, bamonaki motuka yango mpe bamataki kuna . . . Wana ezalaki mokolo oyo Ndeko Graham Snelling, awa, azuaki Molimo Mosanto mpe mbela ya lotomo ya koteya.

²⁰⁸ Kuna na likoló, na mopanzi ya ngomba nde esika wana nalalaki, mpe A—Ayebisaki ngai makambo ndenge na ndenge ya kosala mpe masolo tokokaki kozala na yango elongo. Ye apesaki ngai emononeli ya komona mbisi oyo nakangaki nsinga kuna, alobaki: “Oyo nde losambo na yo ya Milltown.”

Mpe mbisi minei to mitano kati na yango ekweyaki; nalobaki: “Wana ezali banani?”

Alobaki: “Moko na bango ezali Guy Spencer ná mwasi na ye. Oyo mosusu ezali Spencer mosusu kuna, ná bandeko na bango.” Mpe Ayebisaki ngai bato mosusu, oyo bakokwea.

²⁰⁹ Nayebisaki bato; nalobaki: “Moko te kati na bino ália.” Mwasi na ngai mpe ngai tozalaki te. . . Ezalaki liboso tóbalana; azongaki na ndako, kofanda butu mobimba elongo ná Ndeko mwasi Spencer, mwasi malamú mpenza. Moto malamú mpenza, Guy Spencer azali solosolo moto ya malamú mingi. Mpe a—mpe akendeiki kuna, mpe Opal alobaki: “Sikoyo, tala . . .” Epai ya Meda, mwasi yango alobaki: “Sikoyo, Meda, Nandimaka Ndeko Bill.” Alobaki: “Kasi soki Opal ayoki nzala, esengeli ália jambon ná máki.” Boye, akei kokalinga kuna jambon ná maki, afandi mpo na kolia yango, mpe abandí kozongisa matondi, mpe agumbi motó likoló ya mesa, abandí kolela, asimbacki yango te. Na nsima bayaki na bokila.

²¹⁰ Mpe kuna na ngomba mokolo wana, Ayebisaki ngai mpenza likambo oyo elingaki kosalema. Alobaki: “Baoyo bakolongwa, na nsima, baoyo bakolongwa.” Kasi Azalaki na mosuni ya monene na kati ya linzanza. Alobaki: “Bómbe oyo mpo na kosalela yango nsima koleka, mpo na bato ya Milltown.” Mpe na mpokwa mosusu wana, ntango nayokaki Ndeko Creech. . . Azalaki awa lobi na mpokwa. Ngai. . . Ndeko Creech, ozali awa na mpokwa ya lelo? Ntango Ndeko Creech ayaki epai na ngai, abengaki ngai na telefone, Ndeko mwasi Creech azalaki kolela; tata na ye atandamaki wana. Alobaki: “Ndeko Bill, koyebisa ye te. Azali kokufa.” Alobaki: “Cancer elei ye nzoto mobimba; minganga bapasolaki ye, kasi cancer etondi ye nzoto mobimba mpenza.”

Mpe Will Hall (bino nyonso boyebi ye lisusu), ntango monganga yango moko autaki kopasola ye mpe atondaki na cancer nzoto mobimba. . .Nazalaki kokende bokila ya biséndé na ntongo wana, mpe namonaki mbuma ya pomme ezalaki wana, kati na eteni ya ndako yango. (Bozali koyeba lisusu lisolo na yango?) Mpe tala ye wana, mobali yango azali na bomoi lelo. Mibu mingi esili koleka. Ye ná Ndeko Busty bazalaki baninga.

²¹¹ Mpe nakendeki na lopitalo, lopitalo ya sika (nabosani nkombo na yango, kuna na New Albany) lopitalo ya sika. Nakendeki kuna kotala Busty; ntango nakotaki na chambre yango, nalobaki: “Ndeko Busty.”

Alobaki: “Ndeko Bill.” Akangaki loboko na ngai ná mbote makasi wana ya loboko; ancien combattant ya Etumba ya Liboso ya Mokili mobimba, nazoloba yango te mpo azali awa, kasi azali mpenza na motema malamau oyo etikákalá kobeta na chemise ya bleu wana. Akangaki mpenza loboko na ngai. Nakendá na ndako na ye; naliá na ndako na ye; nalálá na ndako na ye, kaka lokola nazalaki ndeko na ye. Bana na ye mpe bango nyonso, tozali mpenza—mpenza lokola bandeko ya makila. Moto malamau.

²¹² Mpe ye. . .Kasi atikálá kokóta na bozindo te elongo ná Nkolo. Ye. . .Nabatisá ye na Nkombo na Yesu Klisto. Kasi, mokolo wana, ntango motei ya Metodiste wana alobaki: “Moto nyonso oyo abatisámá na Nkombo na Yesu Klisto, ábima na hema na ngai.” Ezalaki malamau. George Wright ná bamosusu babimaki. Nsima ya nzánga wana, nakendeki kuna, kobatisa bato na Nkombo na Yesu Klisto na Totten Ford. Losambo na ye mobimba bakotaki na mai mpe babatisamaki na Nkombo na Yesu Klisto. Boye nakobaki na ngai. Ezalaki malamau mingi. Soki Nzambe azali na ngámbo na yo, nani akoki kotelemela yo? Nazoyeba kutu te epai wapi moto yango akendeki, likambo nini ekómelaki ye.

²¹³ Ata bongo, nakotaki na lopitalo. Tala Busty atandamaki wana, nzoto na ye etondaki na cancer, minganga baboyaki ata, basalaki eloko moko te, batongaki ye lisusu, esili. Busty asololaki na ngai; alobaki: “Ndeko Bill, likambo oyo esalemi na ntina. Likambo moko esalemi.”

Nalobaki: “Iyo, Busty.” Nabandaki koyoka Molimo wana, lokola mopepe makasi oyo Nazalaki kolobela, boyebi, ezali kokóta.

Alobaki. . .Ntango nakotaki kuna, monamá moko ezalaki na litúmu wana, etelemaki na litúmu wana. Monamá elakisi kondimana; kondimana ya Nzambe. Nzambe asalaki kondimana ná ngai, na ngomba wana, mokolo yango. Natielaki Ndeko Busty maboko mpe nabondelaki mpo na ye.

Minganga balobi: “Akokoba kolemba. Akokóba kolemba se kolemba. Likambo ya kosala ezali te. . . Akokende na ye nsima na mwa mikolo.” Mpe Busty Rodgers. . . Eleki ba-mpóso ná ba-

mpóso ná ba-mpóso, mpe Busty Rodgers afandi awa, na losambo, na mpokwa oyo, na nzoto kólóngónó mpe makasi, lokola natikálá komona ye te na bomoi na ngai. Tèlema, Ndeko Busty. Ye wana. Tósanzola Nzambe, biso nyonso.

Bayanganaki na kati ya eteni ya ndako ya likolo,
Bango nyonso bazalaki kosambela na Nkombo na Ye.

Babatisamaki na Molimo Mosanto,
Mpe nguya mpo na mosala eyaki.

Sikoyo, oyo Asalaki mpo na bango mokolo wana

Akosala ndenge moko mpo na yo.

Nazali na esengo mingi ya koloba nazali moko na bango.

Nazali moko na bango, moko na bango,
Nazali na esengo mingi ya koloba nazali moko na bango; (Aleluya!)

Moko na bango, nazali moko na bango,
Nazali na esengo mingi ya koloba nazali moko na bango.

Ata bato oyo bamikumisaka te,
To bayebani mingi na mokili te,
Bango nyonso bazuaki Pantekote na bango,
Babatisamaki na Nkombo na Yesu.
Mpe bakómi sikoyo kotatola na bisika nyonso,
Nguya na Ye ezali kaka ndenge moko.
Nazali na esengo mingi ya koloba: nazali moko na bango.

Nazali moko na bango, nazali moko na bango,
Nazali na esengo mingi ya koloba nazali moko na bango; (Aleluya!)

Moko na bango, nazali moko na bango,
Nazali na esengo mingi ya koloba: nazali moko na bango.

Sikawa, yaka ndeko na ngai, kozua lipamboli yango,

Oyo ekopetola motema na yo na lisumu,

Oyo ekobeta ngengele ya esengo,

Mpe ekobatela elimo na yo na móto;

Oh, ezali kopela sikoyo na kati ya motema na ngai,

Oh, nkembo na Nkombo na Ye,

Nazali na esengo mingi ya koloba nazali moko na bango.

Tóyemba yango!

Oh, moko na bango, moko na bango,

Nazali na esengo mingi ya koloba nazali moko
na bango. (Aleluya!)
Moko na bango, moko na bango,
Nazali na esengo mingi ya koloba nazali moko
na bango.

Bato boni bazali moko na bango? Bótombola maboko. Oh, la
la! Oh, nazali na esengo monene, Nazali moko na bango!

Moko na bango, moko na bango,
Nazali na esengo mingi ya koloba nazali moko
na bango. (Aleluya!)
Moko na bango, moko na bango,
Nazali na esengo mingi ya koloba nazali moko
na bango.

Basanganaki na chambre oyo ya likolo,
Bango nyonso bazalaki kosambela na Nkombo
na Ye,
Babatisamaki na Molimo Mosanto,
Bongo nguya mpo na mosala eyaki;
Sikawa, ndenge Asalaki mpo na bango mokolo
wana
Akosala ndenge moko mpo na yo,
Nazali na esengo mingi ya koloba nazali moko
na bango.

Oh, moko na bango, moko na bango,
Nazali na esengo mingi ya koloba nazali moko
na bango. (Aleluya!)
Moko na bango, moko na bango,
Nazali na esengo mingi ya koloba nazali moko
na bango.

Sikawa, wana tozali koyemba lisusu eteni yango, nalingi ete
moko na moko na bino baluka mpe pesa mbote ya loboko na
moto oyo azali pembeni na yo, mpe loba: “Ozali moko na bango?”
Bomoni? Malamu.

Oh, moko na bango (nayebe ete ozali moko na
bango, Ndeko Neville. Nayebe ete ozali moko
na bango, Ndeko Capps. Nayebe ete ozali
moko na bango. Nayebe ete ozali . . . ? . . .)
. . . Nazali moko na bango.

Oh, moko na bango, moko na bango,
Nazali na esengo mingi ya koloba nazali moko
na bango.

²¹⁴ Oh, bozali na esengo ya kozala moko na bango, boye te?
Bato boni bakosepela kozala moko na bango? Tombola loboko.
Malamu. Sikawa, nakoyembela bino eteni oyo:

Na bongo, yaka ndeko na ngai, kozua lipamboli
yango
Oyo ekopetola motema na yo na lisumu,

Oyo ekobeta bangonga ya esengo,
 Mpe ekobatela móto na elimo na yo;
 Oh, ezali kopela sikoyo na kati ya motema na
 ngai,
 Oh, nkembo na Nkombo na Ye,
 Nazali na esengo mingi ya koloba nazali moko
 na bango.

Oh, moko na bango, moko na bango,
 Nazali na esengo mingi ya koloba nazali moko
 na bango. (Aleluya!)
 Moko na bango, nazali moko na bango,
 Nazali na esengo mingi ya koloba nazali moko
 na bango.

²¹⁵ Bozali bomikanisela likambo oyo mwasi mwasi moke wana alobaki na Petelo: “Ozali moko na bango te?” Nazali na esengo mingi, bino mpe, boye te? Boyebi, na mokolo ya Pantekote, Petelo alobaki: “Oyo nde Yango!” Sikawa, nalobaka ntango nyonso: “Soki *Oyo* ezali oyo *Wana* te, nazali na esengo ya kozala na *Oyo*, kozeláká oyo *Wana* éya.” Ya solo. nazali na esengo ya kozala na *Oyo*.

Mpo nazali moko na bango, nazali moko na
 bango
 Nazali na esengo mingi ya koloba nazali moko
 na bango.
 Oh, moko na bango, moko na bango,
 Nazali na esengo mingi ya koloba nazali moko
 na bango.

²¹⁶ Oh, ezali kitoko mingi, kofanda elongo na bisika ya Likoló kati na Klisto Yesu, kosololáká ná Molimo, kosololáká likoló na Liloba, kolobáká makambo malamumu makoya. Ezali malamumu mingi. Nazali na esengo mingi ya koyeba yango, boye te? Ozali na esengo ya kozala Moklisto, boye te? Ozali na esengo ndenge masumu na yo ezali na nsé ya Makila, boye te? Akoya moko na mikolo oyo, mpe tokokende elongo ná Ye. Na bongo, bókanisa naino, bompaka nyonso ekotika biso; bokono nyonso, ba-mpasi nyonso, bomoi mobimba oyo ya kufa ekobongwana. Oh, la la! Nakanisi sikoyo bandeko malamumu ya kala, oyo bazalaki awa. Nakanisi lisusu. . . Bato boni bazali koyeba lisusu Rabbi Lawson? Oh, mingi kati na bino. Namoni ndenge azalaki kotia mwa nzete na ye awa. Mpe ngai nazalaki kofanda na nsima kuna. Azalaki koyemba mwa loyembo oyo. . . (Bózela, Teddy, ndeko na ngai.) Nakomeka, nakotala soki nakokoka kozua molenga yango. Nayebi te.

Lobi ya esengo ezali kozela ngai,
 Epai bikuke ya mayaka efungwamaka monene,
 Mpe ntango nakokatisa ezipelo ya mawa oyo,
 Nakopema na Ngámbo mosusu.

Mokolo moko, esika liwa ekoki kokóma te,
 Mokolo moko, kaka Nzambe nde ayebi esika
 mpe ntango,
 Makálo nyonso ya bomoi ya kufa ekotelema,
 Nde nakokende kofanda na ngomba ya Siona.
 (Iyo.)

²¹⁷ Mwa makálo oyo ezali kobaluka na kati na biso— komona, koléta, komama, kolumbuta mpe koyoka, mwa biyókeli oyo, mwa makálo oyo ezali kobaluka na kati ya bomoi ya kufa oyo, mokolo moko, ekotelema. Na bongo, ngai, ngai moko, ná bino, tokokende kofanda na ngomba ya Siona. Oh, Nalingaka yango, bino mpe, boye te? Koyeba ete tozali na endimiseli oyo epambolami. Malamu. Bato boni bayebi loyembo na biso ya kala, mpo na libatisi? Sikoyo, tokozua mosusu. Tózua loyembo na biso ya bokabwani:

Mema Nkombo na Yesu,
 Mwana ya mawa mpe bolozí;
 Ekopesa yo esengo mpe libondisi,
 Mema Yango bisika nyonso okokende.

²¹⁸ Mema Nkombo na Yesu. Bóyemba yango, wana bozali kokende. Malamu, biso nyonso sikoyo. Bóbosana te, na ngonga ya mwambe lobi na ntongo, bakokabola bakálati ya mabondeli mpo na liyangani. Losambo ekobanda na ngonga ya libwa na ndambo. Nakoteya na ngonga ya zomi. Losambo ya kobondela mpo na babeli ekobanda pene na ngonga ya zomi na moko.

²¹⁹ Lobi nsima ya nzánga, lobi na mpokwa, ekozala liteya ya kopalanganisa Nsango malamau na tabernacle. Mpe lobi na mpokwa, bino nyonso oyo boyamboli masumu na bino, kasi botikálá kobatisama naino te, tokosala . . . mai ya libatisi ekozala polele; tokobatisa bato na Nkombo ya Nkolo Yesu Klisto.

²²⁰ Bisó nyonso elongo sikawa, wana tozali koyemba na mongongo makasi mpenza. Ndeko Busty, oyebi esengo oyo nazali na yango te, mpe kopesa matondi na Nzambe. Boyebi, akendeki kuna epai ya monganga yango. Bayebisaki ngai ete monganga atalaki ye, kasi ayebaki te eloko nini kokanisa. Andimaki te ete ezalaki mobali yango moko. Oh, ezalaka sekelé te, oyo Nzambe akoki kosala. Boye te? Malamu.


Mema Nkombo . . .

Éyokana makasi!

. . . ná Yesu,
 Mwana ya mawa mpe bolozí;
 Ekopesa yo esengo mpe libondisi,
 Sikoyo, mema Yango bisika nyonso okokende.
 Nkombo kitoko (Nkombo kitoko!), Oh ya
 boboto!
 Elikia ya mabelé mpe esengo ya Lola;

Nkombo kitoko (Oh, Nkombo kitoko!), Oh ya
boboto!

Elikia ya mokili mpe esengo ya Lola.

²²¹ Malamu. Sikawa nazongisi losambo epai ya mobateli. Akoloba mwa maloba, to akosenga na moto moko ete ásilisa liyangani, nyonso oyo akomona ya malamú. 

59-1219 Mituna mpe Biyano na ntina na Molimo Mosanto
Branham Tabernacle
Jeffersonville, Indiana U.S.A.

LINGALA

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Liyebisi ya makoki ya mokolo-eloko

Makoki nyonso ekopesama na ndingisa. Búku oyo, ekoki kozala imprimé na masíni ya ndako mpo na yo moko to kokabama, ofelé, lokola esalelo mpo na kopalanganisa Nsango Malamu ya Yesu Klisto. Búku oyo ekoki kotekama te, koyíkanisama te, kotiana na site internet te, kobombama mpo na kolukaluka te, kolimbolama na nkota mosusu te, to kosalela yango mpo na kosenga misolo te, kozanga ndingisa ekomami mpenza na Voice Of God Recordings®.

Soki olingi koyeba makambo mosusu to kozua bisalelo mosusu, koméla:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org